

四庫全書

史部

欽定四庫全書

史部

資治通鑑卷一百七十五至
七

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣王廷璧

欽定四庫全書

資治通鑑卷一百七十五

宋司馬光撰

胡三省音注

陳紀九

起重光赤奮若盡昭陽單閼凡三年

高宗宣皇帝下之下

太建十三年春正月壬午以晉安王伯恭為尚書左僕

射吏部尚書袁憲為右僕射憲樞之弟也周改元大

定二月甲寅隋王始受相國百揆九錫

自初命至是五十一日乃

受建臺置官

置百官也

丙辰詔進王妃獨孤氏為王后世子勇

為太子開府儀同大將軍庾季才勸隋王宜以今月甲

子應天受命

庾季才持正於字文護擅權之時而勸進於楊氏革命之日巫史之學自信其術耳

非胸中真有所見也

太傅李穆開府儀同大將軍盧賁亦勸之於

是周主下詔遜居別宮甲子命兼太傅杞公椿奉冊大

宗伯趙瑳奉皇帝璽紱禪位于隋

冊冊書也周制皇帝八璽有神璽有傳國

璽皆寶而不用神璽明受之於天傳國璽明受之於運皇帝負辰則置神璽於筵前之右置傳國璽於筵前之左又有六璽其一皇帝行璽封命諸侯及三公用之其二皇帝之璽與諸侯及三公書用之其三皇帝信璽發

諸夏之兵用之其四天子行璽封命蕃國之君用之其
五天子之璽與蕃國之君書用之其六天子信璽徵蕃
國之兵用之六璽皆白玉為之方一寸五分高寸螭虎鈕
梁敬帝太平元年周閔帝受魏禪五主二十四年而亡
隋主本襲封隨公故國號曰隋以周齊不遑寧處故去
之作隋以之訓走故也之音綽斐俱永翻璽斯氏翻紱
弗音隋主冠遠遊冠遠遊冠制似通天冠而前無山述有
王服之主受冊璽改服紗帽黃袍頂帽白紗帽也名高
冠古玩翻月上始服黃百寮畢賀蓋以黃為常服入御臨光殿
志曰開皇初高祖常服烏紗帽紀云秋七
服袞冕如元會之儀元會正旦大朝會也文物充庭羣
階解劔升賀降階帶劔復位而拜羣
官在位者又再拜搢笏三稱萬歲
大赦改元開皇命

有司奉冊祀于南郊

告天以受命

遣少冢宰元孝矩代太子

勇鎮洛陽

少冢宰當作小冢宰

孝矩名矩以字行天賜之孫也

按隋

書元孝矩傳祖修義不言以字行汝陰王天賜當魏太和之世距此時百餘年當考

女為太子妃

少內史崔仲方勸隋主除周六官

周定六官事始一百六十六卷梁敬帝紹泰

元年少內史當作小內史依漢魏之舊從之置三師三公及尚書門

下內史秘書內侍五省

隋志三師不主事不置府僚蓋與天子坐而論道者也三公參

議國之大事依後齊置府僚無其人則闕祭祀則太尉亞獻司徒奉俎司空行掃除其位多曠皆攝行事尋省府及僚佐置公則坐於尚書都省朝之衆務總歸於臺閣尚書省事無不總置令左右僕射各一人總吏部禮

部兵部都官度支工部六曹事屬官左右丞各一人都
事八人分司管轄六曹尚書分統三十六侍郎各司曹
務直宿禁省如漢之制門下省置納言給事黃門侍郎
散騎常侍侍郎通直員外諫議大夫等官內史省置監
令侍郎舍人等官祕書省置監丞郎等官領著作太史
二曹內史省即中書省避武元諱改曰內史門下內史
二省主出納朝直代言猶有職事祕
書省較優閑內侍省則皆宦官也

御史都水二臺

御史

臺置大夫治書侍御史侍御史殿內侍御史監察御史
等官都水臺置使者及丞參軍河堤謁者又領掌船局
及諸津都水尉
津尉丞長等官

太常等十一寺

太常光祿衛尉宗正太僕大理鴻臚司農太府

九寺並置卿少卿丞主簿錄事等員國子寺置祭酒屬
官有主簿錄事國子太學四門書等學各置博士助教
將作寺置大匠丞主簿
錄事統左右校署令

左右衛等十二府

左右衛左右武衛左右武

候左右領左右左右監門左右領軍各置大將軍將軍
長史司馬錄事功倉兵騎等曹參軍法曹鎧曹行參軍
行參軍以分司統職又置上柱國至都督十一等勲官
等員

以酬勤勞

隋採後周之制置上柱國柱國上大將軍大將軍上開府儀同三司開府儀同三司上儀

同三司儀同三司大都督帥都督都督總十一等

特進至朝散大夫七等散官

特進左右光祿大夫金紫光祿大夫銀青光祿大夫朝議大夫朝散大夫總七等朝直遥翻散悉亶翻以

加文武官之有德聲者改侍中為納言

以考諱忠故改侍中為納言

以相國司馬高潁為尚書左僕射兼納言

潁古迴翻射音夜

相

國司錄京兆虞慶則為內史監兼吏部尚書相國內郎

李德林為內史令乙丑追尊皇考為武元皇帝

相息亮
翻相國

內郎相國府從事中郎避諱改為內郎皇考周隨國桓公楊忠

廟號太祖皇妣呂氏為

元明皇后丙寅修廟社

時自高祖以下置四親廟同殿異室而已無受命之祧社稷並

列于含光門內之右

立王后獨孤為皇后

獨孤之下
逸氏字

王太子勇為

皇太子丁卯以太尉趙熙為尚書右僕射己巳封周靜

帝為介公

熒居永翻周主雖禪死乃有謚通鑑先以謚書之介古國名

周氏諸王皆

降爵為公初劉鄭矯詔以隋主輔政

劉鄭劉昉鄭譯也矯詔事見上卷上年

楊后雖不預謀然以嗣子幼冲恐權在它族聞之甚喜

後知其父有異圖意頗不平形於言色及禪位憤惋逾

甚

嗣祥吏翻
惋烏慣翻

隋主內甚愧之改封樂平公主

樂平郡公
主五代志

太原郡樂平縣舊
置樂平郡樂音洛

久之欲奪其志公主誓不許乃止隋

主與周載下大夫北平榮建緒有舊

載下逸師字後周
置載師之官屬地

官有中大夫有下大夫北平郡治盧
龍榮姓出周榮公莊子有榮啟期

隋主將受禪建緒

為息州刺史

五代志汝南郡新息縣後魏置東豫州梁
改西豫州又改淮州東魏復曰東豫州後

周改曰
息州

將之官隋主謂曰且躊躇

躊躇直由翻躊陳
如翻住足也

當共

取富貴建緒正色曰明公此旨非僕所聞及即位來朝

帝謂之曰卿亦悔不

朝直遙翻不讀曰否

建緒稽首曰臣位非徐

廣情類楊彪

稽音啟徐廣事見一百一十九卷宋高祖永初元年楊彪事見六十九卷魏文帝黃

初二

帝笑曰朕雖不曉書語亦知卿此言不遜上柱國

竇毅之女聞隋受禪自投堂下撫膺太息曰恨我不為

男子救舅氏之患

撫與拊同拍也膺胸也太息憤而舒氣長也

毅及襄陽公

主掩其口曰汝勿妄言滅吾族毅由是奇之及長以適

唐公李淵淵晒之子也

晒周柱國李虎之子李淵始見于此長知兩翻晒音丙

虞

慶則勸隋主盡滅宇文氏高頴楊惠亦依違從之

依違者不

敢言其不可而

李德林固爭以為不可隋主作色曰君

書生不足與議此於是周太祖孫譙公乾暉冀公綯

暉於

粉翻綯許縣翻

閔帝子紀公湜

湜常職翻

明帝子鄴公貞宋公實高

祖子漢公贊秦公贄曹公允道公充蔡公兌荆公元宣

帝子萊公衍郢公衍皆死

通鑑書宣帝子衍始終備但目錄書大成元年立太子衍

亦自背馳

德林由此品位不進

乙亥上耕藉田

藉在亦翻

隋

主封其弟邵公慧為滕王安公爽為衛王

邵安皆以州為封國

子

鴈門公廣為晉王俊為秦王秀為越王諒為漢王 隋

主賜李穆詔曰公既舊德且又父黨

李穆與隋主之父忠比肩事周皆為

功臣

敬惠來旨義無有違

謂穆勸之受命也

即以今月十三日恭

膺天命

孔安國曰膺當也

俄而穆入朝

自并州入朝朝直還翻

帝以穆為

太師贊拜不名子孫雖在襁褓

襁居兩翻負兒衣襁博抱翻抱兒衣

悉拜

儀同一門執象笏者百餘人

隋志曰案禮笏諸侯以象凡有指畫於君前用笏受

命書於笏笏畢用也五經要義曰所以紀事防忽忘禮圖云度二尺有六寸中博二寸其殺六分去一晉宋以

來謂之手板此乃不經今還謂之笏以法古名自西魏以降五品以上通用象牙六品以下兼用竹木笏呼骨

翻

貴盛無比又以上柱國竇熾為太傅幽州總管于翼為

太尉李穆上表乞骸骨

人臣致身以事君身非已有故求閑者自言乞骸骨上時掌翻

詔曰呂尚以期頤佐周

記百年曰期頤呂尚遇文王年八十矣佐文王以及武王則是

期頤之年也

張蒼以華皓相漢

華皓謂白首也張蒼免相後口中無齒食乳年百餘歲乃

卒高才命世不拘常禮仍以穆年耆救蠲朝集

蠲免也朝集猶言朝

會也朝直遥翻

有大事就第詢訪

用古人欲有謀焉則就之之意隋主姑以是恩李穆耳非

欲與之大

美陽公蘇威

美陽古縣名漢晉屬扶風五代志不見蓋已省廢姑以古縣名

封爵之耳

綽之子也

蘇綽佐宇文泰以興周

少有令名周晉公護強以

女妻之

少詩照翻強其兩翻妻七細翻

威見護專權恐禍及已屏居山

寺以諷讀為娛

屏必郢翻

周高祖聞其賢除車騎大將軍儀

同三司

騎寄翻

又除稍伯下大夫

稍所教翻

皆辭疾不拜宣帝

就除開府儀同大將軍隋主為丞相高頗薦之隋主召

見與語大悅居月餘聞將受禪遁歸田里

觀蘇威之初其立身何可

議哉至于末節展轉于宇文化及李密王世充之朝何其可鄙也君子是以知令終之難

頗請追之

追者尋其後而召之

隋主曰此不欲預吾事耳置之及受禪徵拜

太子少保追封其父為邳公

邳亦以州名為公國少始照翻

以威襲爵

丁丑隋以晉王廣為并州總管三月戊子以上開府

儀同三司賀若弼為吳州總管鎮廣陵

考異曰隋書帝紀云楚州今從

弼傳和州刺史河南韓擒虎為廬州總管鎮廬江

廣陵為吳州仍

周舊也歷陽為和州仍齊舊也隋書韓擒虎河東垣人河南當作河東五代志廬江郡梁置南豫州又改合州

開皇初改廬州蓋梁之南豫合州皆治合肥合州因合肥而名也廬江在合肥東五十里既徙治廬江故以廬

名州若人者翻隋主有并吞江南之志問將帥於高潁

將即亮翻帥所

類翻潁薦弼與擒虎故置於南邊使潛為經略戊戌以太

子少保蘇威兼納言度支尚書

度支尚書統度支戶部金部倉部度徒洛翻

初蘇綽在西魏以國用不足制征稅法頗重

後周太祖作相置載

師掌任土之法辨夫家田里之數會六畜車乘之稽審
賦役斂弛之節制畿疆修廣之域頒施惠之要審牧產
之政司均掌田里之政令凡人口十已上宅五畝口九
已上宅四畝口五已下宅三畝有室者田百四十畝丁
者田百畝司賦掌功賦之政令凡人自十八以至六十
有四與輕癯者皆賦之其賦之法有室者歲不過絹一
疋綿八兩粟五斛丁者半之其非桑土有室者布一疋
麻十斤丁者又半之豐年則全賦中年半之下年一之
皆以時徵焉若艱荒凶札則不徵其賦又有市門之稅
自今觀之亦不為重矣而蘇綽猶望後之人弛之可謂
有志于民矣既而歎曰今所為者譬如張弓非平世法也後
之君子誰能弛之威聞其言每以為已任至是奏減賦
役務從輕簡隋主悉從之

蘇威為度支尚書
居可言可行之地漸見親重

與高頴參掌朝政

朝直遇翻

帝嘗怒一人將殺之威入閤進

諫帝不納將自出斬之威當帝前不去帝避之而出威

又遮止帝拂衣而入良久乃召威謝曰公能若是吾無

憂矣賜馬二匹錢十餘萬尋復兼大理卿京兆尹御史

大夫本官悉如故治書侍御史安定梁毗以威兼領五

職

漢宣帝幸宣室齋居決事令侍御史二人治書侍側魏晉因別置治書侍御史安定郡涇州五職納言度

支尚書大理卿京兆尹御史大夫也治平聲

安繁戀劇無舉賢自代之心抗

表効威

効戶慨翻又戶得翻

帝曰蘇威朝夕孜孜

孜孜不怠也

志存遠

大何遽迫之因謂朝臣曰蘇威不值我無以措其言我

不得蘇威何以行其道楊素才辯無雙至於斟酌古今

助我宣化非威之匹也

匹偶也

威若逢亂世南山四皓豈

易屈哉

四皓東園公綺里季夏黃公角里先生遭秦之亂隱于商山鬚眉皓白故曰四皓商山在長安

南故曰南山隋主以蘇威隱遯於周世故云然易以豉翻

威嘗言於帝曰臣先人每

戒臣云

先人謂威父綽

唯讀孝經一卷足以立身治國何用多

為帝深然之

治直之翻下同

高顙深避權勢上表遜位

上時掌翻

讓

於蘇威帝欲成其美

成其讓賢之美

聽解僕射數日帝曰蘇威

高蹈前朝

前朝謂周朝高蹈謂其隱遯不仕蹈踐也履也高蹈言踐履之高朝直遇翻

頽能

推舉吾聞進賢受上賞

漢武帝詔曰進賢受上賞蔽賢蒙顯戮古之道也

寧可

使之去官命頽復位頽威同心協贊政刑大小帝無不

與之謀議然後行之故革命數年天下稱平太子左庶

子盧賁以頽威執政心甚不平時柱國劉昉亦被疎忌

賁因諷昉及上柱國元諧李詢華州刺史張賓等謀黜

頽威

五代志京兆郡鄭縣後魏置東雍州并華山郡西魏改曰華州昉甫兩翻被皮義翻華戶化翻

五

人相與輔政又以晉王廣有寵於帝私謂太子曰賁欲

數謁殿下

數所
角翻

恐為上所譴願察區區之心謀洩帝窮

治其事

治直
之翻

昉等委臯於賓賁公卿奏二人當死帝以

故舊不忍誅並除名為民

二人皆翼戴隋主于潛躍者也張賓道士也隋主作輔賓

自言洞曉星歷感言有代謝之徵且言上儀表非大臣之相由是大被知遇常在幕府

庚子隋詔

前代品爵皆依舊不降

此普謂中外官也

丁未梁主遣其弟太

宰巖入賀于隋

賀受命也

夏四月辛巳隋大赦戊戌悉放

太常散樂為民仍禁雜戲

後齊之季有散樂周天元即位悉徵詣長安隸太常隋今

放之

散騎常侍韋鼎兼通直散騎常侍王瑳聘于周

散悉

亶翻騎奇寄翻璫
七何翻又七可翻

辛丑至長安隋已受禪隋主致之介

國

說文致送詣也
周主時封介公

隋主召汾州刺史韋冲為兼散騎

常侍

五代志文城郡東魏置南汾
州後周改為汾州散悉亶翻

時發稽胡築長城

按隋

紀時修築長
城二旬而罷

汾州胡千餘人在塗亡叛帝召冲問計對

曰夷狄之性易為反覆

易以
豉翻

皆由牧宰不稱之所致

尺稱

證翻

臣請以理綏靜可不勞兵而定帝然之命冲綏懷叛

者月餘皆至並赴長城之役冲竄之子也

夏見一百六
十七卷周高

祖永定
三年

五月戊午隋封邗公雄為廣平王

按隋書此
即邗公惠

也改名雄開皇中改封清漳王仁壽初改封安德王大業中從征吐谷渾還進封觀王堯謚曰德後所謂觀德王雄者是也邳

當作邳音寒

永康公弘為河間王

永康縣公也五代志清化郡永穆縣

梁置曰

雄高祖之族子也

隋主潛害周靜帝而為之

舉哀

偽翻為于

葬于恭陵以其族人洛為嗣六月癸未隋詔

郊廟冕服必依禮經

隋制冕服採用東齊之法乘輿衮冕垂白珠十有二旒以組為纓色

如其綬鞋續充耳玉笄玄衣纁裳衣山龍華蟲火宗彝五章裳藻粉米黼黻四章衣重宗彝裳重黼黻為十二等衣標領織成升龍白紗內單黼領青標襍裾華帶玉鉤鯨大帶素帶朱裏紕其外上以朱下以綠黻隨裳色龍火山三章鹿盧玉具劍火珠鏤首白玉雙佩玄組雙大綬六采玄黃青白縹綠純玄質長二丈四尺五百首

廣一尺小雙綬長二尺六寸色同大綬而首半之間施
三玉環朱轡赤舄舄加金飾凡綬先合單紡為一絲絲
四為一扶扶五為一首首五成一文襟皮小翻襪雖免
翻襪丑例翻又敕列翻紕音卑緣也縹紕招翻說刀削
未銅也縹匹沼

其朝會之服旗幟犧牲皆尚赤

隋自以為得火

德故尚赤色朝直選翻下同幟昌志翻

戎服以黃常服通用雜色秋七月

乙卯隋主始服黃百僚畢賀于是百官常服同於庶人

皆著黃袍

著則略翻

隋主朝服亦如之唯以十三鏤帶為異

八月壬午隋廢東京宮

周徙相州六府於東京事見一百七十三卷大建十一年

吐谷渾寇涼州

涼州武威郡吐從瞰入聲谷音浴

隋主遣行軍元帥

樂安公元諧等步騎數萬擊之諧擊破吐谷渾於豐利

山

豐利山在青海東帥所類翻騎奇寄翻

又敗其太子可博汗於青海

青海

在吐谷渾國都伏侯城之東十五里周迴千餘里中有小山唐時謂之龍駒島敗補邁翻可從刊入聲汗音寒

俘斬萬計吐谷渾震駭其王侯三十人各帥所部來降

吐谷渾可汗夸呂帥親兵遠遁

帥讀曰率降戶江翻

隋主以其高

寧王移茲裒為河南王

裒薄侯翻

使統降衆以元諧為寧州

刺史

五代志北地郡後魏置幽州西魏改為寧州

留行軍總管賀婁子幹鎮

涼州

九月庚午將軍周羅暉攻隋故墅拔之

故墅當作胡墅

胡璽在大江北岸對石
頭城音璽承與翻蕭摩訶攻江北
隋奉車都尉

于宣敏

漢武帝置三都尉奉車駙馬騎也

奉使巴蜀還

使疏吏翻還音旋又如字

奏

稱蜀土沃饒人物殷阜周德之衰遂成戎首

謂王謙以益州起兵

也

宜樹建藩屏封殖子孫

屏必郢翻

隋主善之辛未以越王

秀為益州總管改封蜀王

為秀在蜀以奢僭得罪張本

宣敏謹之孫

也

于謹周之功臣

隋以上柱國長孫覽元景山並為行軍元

帥

長知兩翻帥所類翻

發兵入寇命尚書左僕射高潁節度諸軍

初周齊所鑄錢凡四等及民間私錢名品甚衆

五代志齊

文宣受禪改鑄常平五銖重如其文其錢甚貴且製造甚精至乾明皇建之間往往私鑄鄴中用錢有赤熟青熟細眉赤生之異河南所用有青薄鉛錫之別青齊徐兗梁豫州輩類各殊武平已後私鑄轉甚或以生鐵和銅至于齊亡卒不能禁後周之初尚用魏錢及武帝保定元年乃更鑄布泉之錢以一當五與五銖並行時梁益之境又雜用古錢交易河西諸郡或用西域金銀之錢而官不禁建德三年更鑄五行大布錢以一當十與布泉並行五年以布泉漸賤遂廢之齊平已後山東猶雜用齊氏舊錢宣帝大象元年又鑄永通萬國錢以一當千與五行大布及五銖凡三品並用

輕重不等隋主患之更鑄五銖錢

背面肉好皆有周郭

錢之文為面其漫為背錢體為肉錢孔為好外圓周之以規內方周

之以矩曰周郭更工衡翻肉而收翻好虛到翻

每一千重四斤二兩悉禁古錢

及私錢置樣於闕不如樣者沒官銷毀之自是錢幣始壹民間便之 隋鄭譯以上柱國歸第賞賜豐厚譯自

以被疎呼道士醮章祈福

道士有消災度厄之法依陰陽五行數術推人年命書之

如章表之儀并具贊幣燒香陳讀云奏上天曹請為除厄謂之上章夜中於星辰之下陳設酒果麤餌幣物歷祀天皇太乙五星列宿為書如上章之儀以奏之名為醮被皮義翻醮子肖翻為婢所告以為

巫蠱譯又與母別居為憲司所劾

憲司御史臺官劾戶槩翻又戶得翻

由

是除名隋主下詔曰譯若留之於世在人為不道之臣戮之於朝入地為不孝之鬼有累幽顯無所置之

朝直通翻

累力
瑞翻

宜賜以孝經令其熟讀仍遣與母共居

初周法

比於齊律煩而不要隋主命高頴鄭譯及上柱國楊素

率更令裴政等

太子率更令魏晉之制主宮殿門戶及掌罰事職如光祿勳衛尉隋制掌伎樂

漏刻率如字
更工衡翻

更加修定政練習典故達於從政乃采魏

晉舊律下至齊梁沿革重輕

累世循襲者為法
中有變更者為革

取其折

衷

衷竹
仲翻

時同修者十餘人凡有疑滯皆取決於政于是

去前世梟輶及鞭法

梟者斬首掛之木上輶者車裂于市梁制有制鞭法鞭常鞭凡三等

之差制鞭生革廉成法鞭生革去廉常鞭熟韌不去廉皆作鶴頭紐長一尺一寸梢長二尺七寸廣三寸韋長

二尺五寸去羌呂翻象古
龍翻轅戶闕翻又戶慣翻

自非謀叛以上無收族之罪

始制死刑二絞斬流刑三自二千里至三千里

按隋志流刑三

有千里至五百里二千里應配者一千里居作二年一
千五百里居作二年半二千里居作三年應住居作者
三流俱役三年近流加杖一百一等加
三十此云自二千里至三千里不同

徒刑五自一年

至三年

徒刑有一年有一年半有二年有二年半有三年

杖刑五自六十至百

笞刑五自十至五十又制議請減贖官當之科以優士

大夫

議即周禮八議之法請者凡在八議之科則請之減者官品第七已上犯罪皆例減一等其品第九

已上犯者聽贖應贖者皆以銅代絹贖銅一斤為負負
卜為殿笞十者銅一斤加至杖百則十斤徒一年贖銅

二十斤每等則加銅十斤三年則六十斤矣流一千里贖銅八十斤每等則加銅十斤二千里則百斤矣二死皆贖銅百二十斤犯私罪以官當徒者五品以上一官當徒二年九品以上一官當徒一年當流者三流同比徒三年若犯公罪者徒各加一年當流者各加一等其累徒過九年者流三千里孔穎達曰古之贖罪用銅漢始改用黃金但少其斤兩令與銅相敵後魏以金難得令金一兩收絹十匹隋復依古贖銅

除前世

訊囚酷法考掠不得過二百

時有司用前世訊囚之法用大棒束杖車輻輳底壓

踝杖枕之屬考擊也掠音亮答也

枷杖大小咸有程式民有枉屈縣不

為理者聽以次經郡及州若仍不為理聽詣闕伸訴

居枷

牙翻為

冬十月戊子始行新律詔曰夫絞以致斃斬則

殊形

扶夫音

除惡之體於斯已極梟首輶身義無所取不

益懲肅之理徒表安忍之懷

忍殘忍也安忍安于為殘忍之事

鞭之為

用殘剥膚體徹骨侵肌

徹救列翻

酷均齧切雖云往古之式

舜典曰鞭作官刑故云往古之式

事乖仁者之刑梟輶及鞭並令去之

貴帶礪之書不當徒罰

令力丁翻使也去羌呂翻漢高帝分封功臣與之剖符作誓曰

使黃河如帶泰山若礪國以永存爰及苗裔

廣軒冕之蔭旁及諸親

服冕乘軒貴仕

也流役六年改為五載

戴作亥翻

刑徒五歲變從三祀

祀亦年也

其餘以輕代重化死為生條目甚多備於簡策雜格嚴

科並宜除削自是法制遂定後世多遵用之

宋朝所行之刑統舊

所傳者也

隋主嘗怒一郎於殿前笞之諫議大夫劉行本進

曰此人素清其過又小願少寬之

笞丑之翻少詩沼翻

帝不顧行

本於是正當帝前曰陛下不以臣不肖置臣左右臣言

若是陛下安得不聽若非當致之於理

送詣大理寺治其罪

因置

笞於地而退帝斂容謝之遂原所笞者行本璠之兄子

也

劉璠自梁入西魏見一百六十四卷梁元年承聖元年笞丑之翻璠音煩又扶元翻

獨孤皇后

家世貴盛

后父獨孤信仕西魏以及周列於元功后姊為周明帝后女為周宣帝后

而能謙

恭雅好讀書

好呼到翻

言事多與隋主意合帝甚寵憚之宮

中稱為二聖帝每臨朝

朝直遥翻下同

后輒與帝方輦而進

方輦

并兩輦也

至閤乃止使宦官伺帝政有所失隨即匡諫

伺相吏翻

候帝退朝同反燕寢

朝直遥翻燕寢燕居之寢

有司奏稱周禮百官

之妻命於王后請依古制后曰婦人與政或從此為漸

不可開其源也

與讀曰預

大都督崔長仁后之中外兄弟也

犯法當斬帝以后故欲免其辜后曰國家之事焉可顧

私

馬於度翻

長仁竟坐死后性儉約帝嘗合止利藥

泄瀉不禁者曰

利合音閣

須胡粉一兩宮內不用求之竟不得又欲賜柱國

劉嵩妻織成衣領宮內亦無之然帝懲周氏之失不以

權任假借外戚后兄弟不過將軍刺史帝外家呂氏濟

南人

五代志齊郡歷城縣置濟南郡齊子禮翻

素微賤齊亡以來帝求訪不

知所在

齊之未亡濟南之地屬齊不可得而求訪故齊亡始訪之

及即位始求得舅

子呂永吉追贈外祖雙周為太尉封齊郡公以永吉襲

爵永吉從父道貴性尤頑駮

從才用翻駮五駮翻癡也

言詞鄙陋帝

厚加供給而不許接對朝士

朝直遇翻

拜上儀同三司出為

濟南太守

守式又翻

後郡廢終于家

壬辰隋主如岐州

隋志

扶風郡舊

置岐州

岐州刺史安定梁彥光有惠政隋主下詔褒

美賜束帛及御傘

傘與繖同先肝翻又蘇旱翻蓋也

以厲天下之吏久

之徙相州刺史

相悉亮翻下同

岐俗質厚彥光以靜鎮之奏課

連為天下最

奏課奏計帳及輸籍也

及居相部如岐州法鄴自齊

亡衣冠士人多遷入關唯工商樂戶移實州郭

城外曰郭釋名

郭廓也廓落在城外也

風俗險詖好興謠訟

諛彼義翻好呼到翻

目彥光為

著帽錫

錫飴也錫軟而甘言彥光為人軟美如團錫特著帽耳孔穎達曰凡飴謂之錫關東之通語也

方言曰錫謂之張皇或云
滑饒著則略翻錫徐盈翻
帝聞之免彥光官歲餘拜趙

州刺史

五代志趙郡大陸縣舊曰廣阿置殷州及南鉅鹿郡後改南趙郡改州為趙州

彥光自

請復為相州帝許之豪猾聞彥光再來皆唾之

唾丑之翻笑也

彥光至發擿姦伏

擿他狄翻發也動也

有若神明豪猾潛竄闔境

大治

治直吏翻

於是招致名儒每鄉立學親臨策試褒勤黜

怠及舉秀才祖道於郊以財物資之於是風化大變吏

民感悅無復訟者

史因岐州之政終言彥光歷刺他州事復扶又翻

時又有相

州刺史陳留樊叔畧有異政帝以璽書褒美班示天下

徵拜司農

按樊叔略傳徵拜司農卿壘斯氏翻

新豐令房恭懿

新豐縣自漢以來屬

京北政為三輔之最帝賜以粟帛雍州諸縣令朝謁

雍於用翻

朝直選翻下同

帝見恭懿必呼至榻前咨以治民之術累遷德

州司馬

五代志平原郡開皇九年置德州治直之翻

帝謂諸州朝集使曰

隋志

每元會諸州悉遣使赴京師朝集謂之朝集使使疏吏翻

房恭懿志存體國愛養我

民此乃上天宗廟之所祐朕若置而不賞上天宗廟必

當責我卿等宜師範之因擢為海州刺史

海州東海郡

由是

州縣吏多稱職百姓富庶

樊叔略房恭懿之被褒擢非必皆是年事通鑑因梁彥光

事悉書於此以見開皇之治
以賞良吏而成稱尺證翻

十一月丁卯隋遣兼散

騎侍郎鄭撫來聘

散悉重翻騎奇寄翻撫許為翻

十二月庚子隋主

還長安復鄭譯官爵廣州刺史馬靖

廣州治番禺

得嶺表人

心兵甲精練數有戰功

數所角翻

朝廷疑之遣吏部侍郎蕭

引觀靖舉措諷令送質

朝直遇翻令力丁翻質音致

外託收督賸物

賸吐濫翻蠻蠻所輸貨物曰賸一曰夷人以財贖罪曰賸

引至番禺

番禺音番愚

靖即遣

子弟入質

是歲隋主詔境內之民任聽出家仍令計

口出錢營造經像於是時俗隨風而靡民間佛書多於

六經數十百倍 突厥佗鉢可汗病且卒

厥九勿翻佗徒何翻可從

刊入聲汗音寒卒子恤翻

謂其子菴邏曰吾兄不立其子委位於我

事見一百七十一卷太建四年邏即佐翻突厥傳作菴羅

我死汝曹當避大邏便

大邏

便者木杆之子杜佑曰突厥以勇健者為莫賀弗肥麓者為大羅便大羅便酒器也似角而麓短體貌似之故以為號此官特貴 及卒國人將立大邏便以其母賤眾

唯其子弟為之

不服菴邏實貴

隋書作菴羅母貴當從之

突厥素重之攝圖最後至

謂國人曰若立菴邏者我當帥兄弟事之

帥讀曰率

若立大

邏使我必守境利刃長矛以相待攝圖長且雄勇國人

莫敢拒

攝圖為小可汗統東面部落又逸可汗之子故長長知兩翻

竟立菴邏為嗣大

邏便不得立心不服菴邏每遣人詈辱之

詈力智翻

菴邏不能制

因以國讓攝圖國中相與議曰四可汗子

四可汗謂逸可汗及木杆可汗禪但

可汗佗鉢可汗攝圖最賢共迎立之

考異曰隋突厥傳云木杆在位二十年卒佗鉢在位十

年卒按周傳魏廢帝二年三月科羅獻馬木杆猶未立建德二年佗鉢獻馬然則木杆以承聖二年立太建四年卒佗鉢以其年立號沙鉢略可汗居都斤山菴邏降居獨洛

水稱第二可汗

都斤山獨洛水皆突厥中地名第二可汗言其位次沙鉢略也

大邏便乃

謂沙鉢略曰我與爾俱可汗子各承父後爾今極尊我獨無

位何也沙鉢略患之以為阿波可汗還領所部又沙鉢略從

父玷厥居西面號達頭可汗

從才用翻玷丁念翻厥九勿翻

諸可汗各統

部衆分居四面沙鉢略勇而得衆北方皆畏附之隋主既

立待突厥禮薄突厥大怨千金公主傷其宗祀覆滅日夜

言於沙鉢略請為周室復讐

遣千金公主嫁突厥見上卷十二年為于偽翻

沙鉢

略謂其臣曰我周之親也今隋主自立而不能制復何面

目見可賀敦乎

復扶又翻突厥之君長稱可汗其妻稱可賀敦

乃與故齊營州刺

史高寶寧合兵為寇隋主患之敕緣邊修保障峻長城命

上柱國武威陰壽鎮幽州京兆尹虞慶則鎮并州屯兵

數萬以備之初奉車都尉長孫晟送千金公主入突厥

長知兩翻
晟成正翻

突厥可汗愛其善射留之竟歲命諸子弟貴

人與之親友冀得其射法沙鉢略弟處羅侯號突利設

尤得衆心為沙鉢略所忌密託心腹陰與晟盟晟與之

遊獵因察山川形勢部衆彊弱靡不知之及突厥入寇

晟上書曰今諸夏雖安

上時掌翻
夏戶雅翻

戎虜尚梗興師致討

未是其時并於度外又相侵擾

此二語明指出當時利
病今人多上書言時事

滕口說耳

故宜密運籌策有以攘之

下方是晟獻策

玷厥之於攝圖

兵彊而位下外名相屬內隙已彰鼓動其情必將自戰

又處羅侯者攝圖之弟姦多勢弱

言其心多奸巧而形勢甚弱

曲取

衆心國人愛之因為攝圖所忌其心殊不自安迹示彌

縫實懷疑懼又阿波首鼠介在其間

漢書首鼠兩端

頗畏攝圖

受其牽率

左傳牽率老夫

唯彊是與未有定心今宜遠交而近

攻

史記范雎說秦王之言

離彊而合弱通使玷厥說合阿波

使疏吏翻

說輸芮翻今人言說合二字說音如字合音閣

則攝圖迴兵自防右地

右地突厥西面

地也

又引處羅遣連奚霫

奚庫莫奚霫又一種霫音習

則攝圖分衆還備

左方

左方突厥東面地也

首尾猜嫌腹心離阻十數年後乘豐討

之

豐許觀翻

必可一舉而空其國矣帝省表大悅

省悉景翻

因召

與語晟復口陳形勢

復扶又翻

手畫山川寫其虛實皆如指

掌帝深嗟異皆納用之遣太僕元暉出伊吾道詣達頭

賜以狼頭纛

太僕太僕卿也伊吾即漢伊吾盧之地突厥之先狼種也子孫為君長牙門建狼頭

纛示不忘本也纛徒到翻

達頭使來引居沙鉢略使上

使疏吏翻

以晟為

車騎將軍出黃龍道

黃龍即和龍今黃龍府即其地時為高寶寧所據騎奇寄翻

齎

幣賜奚霫契丹

奚本曰庫莫奚東部胡之種也為慕容氏所破遺落竄匿松漠之間後稍強盛

霫匈奴之別種也居潢水北契丹之先與奚同種而異類並為慕容氏所破俱竄松漠之間其後稍大居黃龍之北數百里契丹欺訖

翻又音喫齋則兮翻

遣為鄉導

鄉讀曰嚮

得至處羅侯所深

布心腹誘之內附

誘音西

反間既行

間古覓翻

果相猜貳

始

興王叔陵太子之次弟也與太子異母母曰彭貴人叔

陵為江州刺史性苛刻狡險新安王伯固以善諧諛有

寵於上及太子

諛虛約翻

叔陵疾之陰求其過失欲中之以

法

中竹仲翻

叔陵入為揚州刺史事務多闕涉省閤

省閤謂中書尚

書二省

執事承意順旨即諷上進用之微致違忤必抵以

大臯重者至殊死

身首異處為殊死忤五故翻

伯固憚之乃詣求其

意叔陵好發古冢伯固好射雉

好呼到翻射而亦翻

常相從郊野

大相款狎因密圖不軌伯固為侍中每得密語必告叔

陵十四年春正月己酉上不豫太子與始興王叔陵

長沙王叔堅並入侍疾叔陵陰有異志命典藥吏曰切

藥刀甚鈍可礪之甲寅上殂倉猝之際叔陵命左右於

外取劔左右弗悟取朝服木劔以進

朝服帶劔以為儀飾非求其適用故

為木劍朝

直遇翻 叔陵怒

怒其不能會已意

叔堅在側聞之疑有變伺

其所為

吏翻 同相

乙卯小斂

斂力 膳翻

太子哀哭俯伏叔陵抽劉

藥刀斫太子中項

仲翻 中竹

太子悶絕于地母柳皇后走來

救之又斫后數下乳媪吳氏自後掣其肘

媪烏皓翻 掣昌列翻

太

子乃得起叔陵持太子衣太子自奮得免叔堅手搯叔

陵奪去其刀仍牽就柱以其褶袖縛之

搯於革翻 去羌 呂翻 褶音習布

褶衣也今之寬袖山海經註魏母丘儉破高句麗遣王

頽窮追過汗沮千餘里彼人言海中有長臂人近於海

中得布褶衣兩袖各長三丈有餘則知所謂褶衣有自來矣 時吳媪已扶太子避賊

叔堅求太子所在欲受生殺之命叔陵多力奮袖得脫

突走出雲龍門馳車還東府召左右斷青溪道

斷音短

赦

東城囚以充戰士

東城即東府城

散金帛賞賜又遣人往新林

追所部兵仍自被甲著白布帽

被皮義翻著則略翻

登城西門招

募百姓又召諸王將帥

將即亮翻帥所類翻

莫有至者唯新安王

伯固單馬赴之助叔陵指揮叔陵兵可千人欲據城自

守時衆軍並緣江防守臺內空虛叔堅白柳后使太子

舍人河內司馬申以太子命召右衛將軍蕭摩訶入見

受敕

見賢通翻

帥馬步數百趣東府

帥讀曰率下同趣七喻翻下同

屯城西

門叔陵惶恐遣記室韋諒送其鼓吹與摩訶

吹昌瑞翻

謂曰

事捷必以公為台輔摩訶紹報之曰須王心膂節將自

來方敢從命

紹徒亥翻將即亮翻

叔陵遣其所親戴溫譚駙麟詣

摩訶

譚徒含翻春秋齊滅譚子孫以國為氏麟離珍翻

摩訶執以送臺斬其首

徇東城叔陵自知不濟入內沈其妃張氏及寵妾七人

于井

沈持林翻

帥步騎數百自小航度

六朝都建業航秦淮而度者非一處當朱

崔門者為大航當東府門者為小航騎奇寄翻下同航戶剛翻

欲趣新林乘舟奔隋行

至白楊路為臺軍所邀伯固見兵至旋避入巷叔陵馳
騎拔刀追之伯固復還叔陵部下多弃甲潰去摩訶馬
容陳智深迎刺叔陵僵仆陳仲華就斬其首

軍行擇便於鞍馬軀

幹壯偉者乘馬居前以壯軍容謂之馬容刺七亦翻

伯固為亂兵所殺自寅至巳

乃定叔陵諸子並賜死伯固諸子宥為庶人韋諒及前

衡陽內史彭暲

五代志長沙郡衡山縣舊置衡陽郡陳為王國故置內史暲古老翻

諂議

參軍兼記室鄭信典籤俞公喜並伏誅暲叔陵舅也信

諒有寵於叔陵常參謀議諒聚之子也

韋聚梁臣死於侯景之難

丁

已太子即皇帝位大赦 辛酉隋置河北道行臺於并

州以晉王廣為尚書令

并州治晉陽

置西南道行臺於益州

以蜀王秀為尚書令隋主懲周氏孤弱而亡故使二子

分蒞方面以二王年少

少詩照翻

盛選貞良有才望者為之

僚佐以靈州刺史王韶為并省右僕射

五代志靈武郡後魏置靈州按

靈州漢北地郡富平縣地赫連勃勃之果

國後魏置靈州取靈武郡名之注又見前鴻臚卿趙郡

李雄為兵部尚書

五代志趙郡治平棘李雄趙郡高邑人臚陵如翻

左武衛將

軍朔方李徹摠晉王府軍事

朔方郡夏州李徹朔方巖綠人

兵部尚書

元巖為益州摠管府長史王韶李雄元巖俱有骨鯁名

李徹前朝舊將

李徹事周征吐谷渾平齊定淮南皆有功朝直遥翻

故用之初李

雄家世以學業自通雄獨習騎射

騎奇寄翻下同

其兄子旦讓

之曰非士大夫之素業也雄曰自古聖賢文武不備而

能成其功業者鮮矣

鮮息淺翻

雄雖不敏頗觀前志但不守

章句耳既文且武兄何病焉及將如并省帝謂雄曰吾

兒更事未多

更工衡翻

以卿兼文武才吾無北顧之憂矣二

王欲為奢侈非法韶巖輒不奉教或自鎖或排閤切諫

二王甚憚之每事諮而後行不敢違法度帝聞而賞之

隋文帝擇人以輔其子可謂用心矣而二子皆不克令終何也中人以下之性束縛之雖急一縱則不可復收

也又以秦王俊為河南道行臺尚書令洛州刺史領關

東兵

洛州治洛陽

癸亥以長沙王叔堅為驃騎將軍開府

儀同三司揚州刺史

驃匹妙翻

蕭摩訶為車騎將軍南徐州

刺史封綬遠公始興王家金帛累巨萬悉以賜之以司

馬申為中書通事舍人乙丑尊皇后為皇太后時帝病

創

創初良翻下同

卧承香殿不能聽政太后居柏梁殿百司眾

務皆決於太后帝創愈乃歸政焉丁卯封皇弟叔重為

始興王奉昭烈王祀

叔陵既誅以叔重奉昭烈王祀

隋元景山出漢

口漢口漢水入江之口

遣上開府儀同三司鄧孝儒將卒四千攻

甌山鎮將軍陸綸以舟師救之為孝儒所敗

敗補邁翻

涓口

甌山沌陽守將皆弃城走

漢水記自漢口入二百里得涓口有村又三百里得涓城

楚邑也漢安陸縣居之沌陽在沌水之北五代志沔陽郡漢陽縣有沌水涓音云沌柱究翻將即亮翻

戊

辰遣使請和於隋歸其胡墅

去年周羅暎拔胡墅使疏吏翻

己巳立

妃沈氏為皇后辛未立皇弟叔儼為尋陽王叔慎為岳

陽王叔達為義陽王叔熊為巴山王叔虞為武昌王

宣帝

諸子唯叔達後

隋高頴奏禮不伐喪

春秋公羊傳襄公十九年晉士

仕於唐貴顯

勾帥師侵齊至穀聞齊侯卒乃還還者何善辭也何善爾大其不伐喪也

二月己丑隋主詔

頴等班師

三月己巳以尚書左僕射晉安王伯恭為

湘州刺史

湘州治長沙

永陽王伯智為尚書僕射

夏四月

庚寅隋大將軍韓僧壽破突厥於雞頭山

雞頭山涇水所出在原州

平高縣西

上柱國李充破突厥於河北山

此山蓋在北河之北

丙申

立皇子永康公肅為太子肅孫姬之子沈后養以為子

五月己未高寶寧引突厥寇隋平州

五代志北平郡舊置平州治盧

龍突厥悉發五可汗控弦之士四十萬人長城

沙鉢略可汗第

二可汗達頭可汗阿波可汗貪汗可汗凡五可汗

壬戌隋任穆公于翼卒

任古

國名謚法布德執義曰穆中情見貌曰穆任音士卒子恤翻

甲子隋更命傳國璽

曰受命璽

更工衡翻璽斯氏翻

六月甲申隋遣使來弔

使疏吏翻

乙

西隋上柱國李光敗突厥於馬邑

李光當作李充馬邑朔州治所大業初改

馬邑縣為善陽縣

突厥又寇蘭州

五代志金城郡開皇初置蘭州總管府

京州摠

管賀婁子幹敗之於可洛岐

山無草木曰岐岐古哀翻

隋主嫌長

安城制度狹小又宮內多妖異

妖於驕翻

納言蘇威勸帝遷

都帝以初受命難之夜與威及高頴共議明旦通直散

騎庾季才奏曰臣仰觀乾象俯察圖記必有遷都之事

且漢營此城將八百歲

漢高帝五年徙都長安歲在己亥是年歲在壬寅凡八百四歲

惠帝元年城長安歲在丁未距是年七百九十六年

水皆鹹鹵不甚宜人

京都地大人衆

加以歲久壅底墊隘穢惡聚而不泄則水多鹹鹵鹵郎古翻

願陛下協天人之心為

遷徙之計帝愕然謂頴威曰是何神也太師李穆亦上

表請遷都帝省表曰天道聰明已有徵應

上時掌翻省悉景翻徵證也

太師人望復抗此請無不可矣

復扶又翻

丙申詔高顥等創

造新都於龍首山

三秦記龍首山長六十里首入渭水尾達樊川頭高二十丈尾漸下可六

七丈色赤舊傳有黑龍從南山出飲渭水其行道因行成迹

以太子左庶子宇文愷

有巧思領營新都副監

晉志太子庶子四人職比散騎常侍中書監令隋分置門下坊

左庶子二人典書坊右庶子二人監者監領營新都事思相吏翻

愷忻之弟也 秋七

月辛未大赦

九月丙午設無尋大會於太極殿

尋與礙同

釋氏書也

捨身及乘輿御服

乘繩證翻

大赦

丙午以長沙王叔

堅為司空將軍刺史如故

驃騎將軍揚州刺史

冬十月癸酉隋

太子勇屯兵咸陽以備突厥

咸陽在長安西北隔渭水耳屯兵於此以備突厥蓋

其兵勢強盛欲窺長安此亦猶漢霸上棘門細柳之屯耳

十二月丙子隋命新都

曰大興城

乙酉隋遣沁源公虞慶則屯弘化以備突

厥

沁源縣公五代志上黨郡有沁源縣後魏置弘化郡治合水開皇六年置慶州沁七鳩翻

行軍摠

管達奚長儒將兵二十與突厥沙鉢略可汗遇於周槃

據慶則傳長儒別道邀賊為虜所圍慶則案營不救則周槃亦當在弘化縣界長儒當作長孺

沙鉢略

有衆十餘萬軍中大懼長儒神色慷慨且戰且行為虜

所衝散而復聚

復扶又翻

四面抗拒轉鬪三日晝夜凡十四

戰五兵咸盡士卒以拳毆之

毆烏口翻

手皆骨見

見賢遍翻孟子曰盡

信書不如無書五兵咸盡士卒奮拳擊虜以言死鬪則可若虜以全師四面蹙之安能免乎史但極筆叙長儒力戰之績耳觀者殺傷萬計虜氣稍奪於是解去長儒不以辭害意可也

身被五瘡通中者二

被皮義翻中竹仲翻

其戰士死者什八九詔

以長儒為上柱國餘勲回授一子時柱國馮昱屯乙弗

泊

乙弗泊當在鄯州之西

蘭州摠管叱列長又守臨洮

五代志後周武帝逐

吐谷渾置洮陽郡尋立洮州大業初置臨洮郡洮士刀翻

上柱國李崇屯幽州皆為

突厥所敗

敗蒲邁翻

於是突厥縱兵自木峽石門兩道入寇

武威天水金城上郡弘化延安六畜咸盡

木峽石門兩關皆在弘化

郡平高縣界此由虞慶則按營不戰達奚長儒孤軍摧
衄故沙鉢略縱兵兩道而入然五可汗之兵東西齊舉
西自乙弗泊東至幽州盡隋西北二邊無不被寇若武
威至延安則達頭沙鉢略之兵耳天水上郡皆古郡天
水則秦州上郡則敷州也延安郡後魏
置東夏州西魏改為延州畜許又翻沙鉢略更欲南

入達頭不從引兵而去長孫晟又說沙鉢略之子染干

說輸
芮翻

詐告沙鉢略曰鐵勒等反欲襲其牙

鐵勒之先本
匈奴苗裔種

類最多自西海之東依據山谷往往不絕
至北海之南雖姓氏不同總謂之鐵勒

沙鉢略懼迴

兵出塞隋主既立待遇梁主恩禮彌厚是歲納梁主

女為晉王妃

按隋書蕭后傳及蕭歸傳初皆云歸女詳考之則后本歸生江南風俗二月生子者

不舉后以二月生故季父友收而養之未幾友夫妻俱死轉養於舅氏張軻家高祖為晉王選妃於梁徧占諸

女皆不吉歸迎后於舅氏占之曰吉遂為王妃又欲以其子瑒尚蘭陵公主瑒

杏翻又音暢由是罷江陵總管西魏遷梁主譽於江陵置助防曰防主後遂置總管今罷之

梁主始得專制其國

長城公上

諱叔寶字元秀小字黃奴宣帝嫡長子也

至德元年春正月庚子隋將入新都大赦 壬寅大赦

改元 初上病創

創初良翻

不能視事政無大小皆決於長

沙王叔堅權傾朝廷叔堅頗驕縱上由是忌之都官尚

書山陰孔範

山陰漢古縣屬會稽郡

中書舍人施文慶皆惡叔堅

而有寵於上

惡鳥路翻下同

日夕求其短

日夕猶言朝夕也

搆之於上

上乃即叔堅驃騎將軍本號用三司之儀出為江州刺

史以祠部尚書江總為吏部尚書癸卯立皇子深為

始安王二月己巳朔日有食之癸酉遣兼散騎常

侍賀徹等聘于隋

散悉亶翻騎奇寄翻

突厥寇隋北邊

厥九勿翻

癸巳葬孝宣皇帝于顯寧陵廟號高宗右衛將軍兼

中書通事舍人司馬申既掌機密頗作威福多所譖毀
能候人主顏色有忤已者必以微言譖之

忤五故翻

附已者

因機進之是以朝廷內外皆從風而靡上欲用侍中吏

部尚書毛喜為僕射申惡喜彊直言於上曰喜臣之妻

兄高宗時稱陛下有酒德

周公戒成王曰無若殷王受之迷亂酗于酒德哉注云言

紂心迷政亂以酗酒為德

請逐去宮臣

去羌呂翻

陛下寧忘之邪

邪音耶

上

乃止上創愈置酒於殿以自慶引吏部尚書江總以下

展樂賦詩

展舒而陳之也創初良翻

既醉而命毛喜于時山陵初畢

喜見之不懌欲諫則上已醉喜升階陽為心疾仆于階

下移出省中上醒謂江總曰我悔召毛喜彼實無疾但

欲阻我歡宴非我所為耳

言喜以帝所為為非

乃與司馬申謀曰

此人負氣吾欲乞鄱陽兄弟聽其報讐可乎

鄱陽兄弟世祖諸子

也高宗之篡殺劉師知韓子高到仲舉父子以及始興王伯茂皆毛喜之謀後主怒喜欲以喜乞鄱陽兄弟聽其報讐於臣為不君於父為不子乞音氣與也對曰彼終不為官用

陳之臣子率稱其君

官願如聖旨中書通事舍人北地傅縡爭之

傅稱縡少依蕭循蓋

循自關中歸縡與之俱南也縡作代翻

曰不然若許報讐欲置先皇何地

上曰當乞一小郡勿令見人事耳乃以喜為永嘉內史

考異曰司馬申傳云右僕射沈君理卒朝議以毛喜代之按君理卒在太建五年非後主時又毛喜傳云時山

陵初畢未及踰年按高祖殂過

三月丙辰隋遷于新

都

考異曰隋食貨志正

初令民二十一成丁減役者

每歲十二番為二十日役減調絹一匹為二丈

後周之制民年

十八成丁今增三歲每歲十二番則三十日役今減為二十日役及調絹減半調徒帛翻

周末權酒

坊鹽池鹽井至是皆罷之

周末官制酒坊收利鹽池鹽井皆禁百姓採用池鹽則河

東池鹽井鹽則蜀中處處有之權古岳翻

祕書監牛弘

隋書牛弘傳弘安定鵠人本姓奈氏父

允仕魏賜姓牛氏

上表以典籍屢經喪亂

上時掌翻喪息浪翻

率多散逸

周氏聚書僅盈萬卷平齊所得除其重雜裁益五千興

集之期屬膺聖世

重直龍翻裁與纔同屬之欲翻膺當也

為國之本莫此

為先豈可使之流落私家不歸王府必須勒之以天威

引之以微利則異典必臻觀閣斯積

漢東觀及天祿石渠等閣皆藏書之

所故云觀古玩翻

隋主從之丁巳詔購求遺書於天下每獻書

一卷賚縑一匹

賚洛代翻賜也與也縑絹也說文曰并絲繒

夏四月庚午

吐谷渾寇隋臨洮洮州刺史皮子信出戰敗死汶州摠

管梁遠擊走之又寇廓州州兵擊走之

五代志後周武帝逐吐谷渾置

洮陽郡尋立洮州汶山郡後周置汶州宋白曰晉置廣陽縣於茂州汶山縣西北五十里今不詳其處所後周又立廣陽縣于石鏡山面六十里至舊廣陽即今縣也又置汶州於此汶讀曰珉隋改會州澆河郡亦周逐吐谷渾以置廓州

士申隋以尚書右僕射趙熒兼內史令

熒古迴翻

突厥數為隋寇

厥凡勿翻數所角翻

隋主下詔曰往者周齊抗

衡分割諸夏

夏戶雅翻

突厥之虜俱通二國周人東慮恐齊

好之深

好呼到翻

齊氏西虞懼周交之厚謂虜意輕重國遂

安危蓋並有大敵之憂思減一邊之防也朕以為厚敵

兆庶

斂力
瞻翻

多惠材狼未嘗感恩資而為賊節之以禮不

為虛費省徭薄賦國用有餘因入賊之物加賜將士

將
即

亮翻
下同

息道路之民務為耕織清邊制勝成策在心凶醜

愚闇未知深旨將大定之日比戰國之時乘昔世之驕

結今時之恨近者盡其巢窟俱犯北邊蓋上天所忿驅

就齊斧

齊讀曰齊言齊戒而授斧鉞於
將帥一讀曰資應劭曰利斧也

諸將今行義兼

含有降者納

降戶
江翻

有違者死使其不敢南望永服威

刑何用侍子之朝寧勞渭橋之拜

匈奴遣子入侍及來
朝渭橋並見漢宣帝

紀朝直
還翻

於是命衛王爽等為行軍元帥

帥所類翻

分八道出

塞擊之爽督摠管李充等四將出朔州道

自馬邑出塞也

己卯

與沙鉢略可汗遇於白道

白道在長城北有白道嶺白道溪

李充言於

爽曰突厥狙於驟勝

狙女久翻

必輕我而無備以精兵襲之

可破也諸將多以為疑唯長史李徹贊成之遂與充帥

精騎五千掩擊突厥大破之

帥讀曰率騎奇寄翻並下

沙鉢略奔所

服金甲潛艸中而遁其軍中無食粉骨為糧加以疾疫死者甚眾幽州摠管陰壽帥步騎十萬出盧龍塞擊高

寶寧寶寧求救於突厥突厥方禦隋師不能救庚辰

寶寧弃城奔磧北

磧七迹翻

和龍諸縣悉平壽設重賞以購

寶寧又遣人離其腹心寶寧奔契丹為其麾下所殺

高寶

寧自齊末據和龍至是敗滅契欺訖翻又音喫

己丑郢州城主張子譏遣使

請降於隋

郢州治江夏中流之重鎮今欲降隋史言陳之邊將已離心使疏吏翻下同降戶江翻

隋主以和好不納

好呼到翻

辛卯隋主遣兼散騎常侍薛

舒兼散騎常侍王劭來聘劭松年之子也

王松年仕齊為通直散騎

侍郎人在下中散悉亶翻騎奇寄翻

癸巳隋主大雩

隋雩壇在國南十三里啟夏門外道左

甲子突厥遣使入見于隋

見賢通翻

隋改度支尚書為

民部

度徒洛翻

都官尚書為刑部命左僕射判吏禮兵三部

事右僕射判民刑工三部事廢光祿衛尉鴻臚寺及都

水臺

臚陵如翻

五月癸卯隋行軍總管李晃破突厥於摩

那度口

乙巳梁太子琮入朝于隋賀遷都

朝直選翻

辛

酉隋主祀方澤

隋為方丘於宮城之北十四里

隋秦州總管竇榮定

帥九摠管步騎三萬出涼州

帥讀曰率

與突厥阿波可汗相

拒於高越原阿波屢敗榮定熾之兄子也

厥九勿翻可從刊入聲汗

音寒竇熾
時為太傅

前上大將軍京兆史萬歲坐事配敦煌為戍

卒

敦煌郡瓜州
敦徒門翻

詣榮定軍門請自効榮定素聞其名見

而大悅士戍將戰榮定遣人謂突厥曰士卒何罪而殺

之但當各遣一壯士決勝負耳突厥許諾因遣一騎挑

戰

騎奇寄翻下
同挑徒了翻

榮定遣萬歲出應之萬歲馳斬其首而

還

還音旋
又如字

突厥大驚不敢復戰

復扶
又翻

遂請盟引軍而去

長孫晟時在榮定軍中為偏將

將即
亮翻

使謂阿波曰攝圖

每來戰皆大勝阿波纔入遽即奔敗此乃突厥之恥也且

攝圖之與阿波兵勢本敵今攝圖日勝為衆所崇阿波

不利為國生辱攝圖必當以羣歸阿波成其宿計滅北

牙矣

阿波建牙在攝圖之北

願自量度

量音良度徒洛翻

能禦之乎阿波

使至

使疏吏翻下同

晟又謂之曰今達頭與隋連和而攝圖不

能制可汗何不依附天子連結達頭相合為彊此萬全

計也豈若喪兵負臯

喪息浪翻

歸就攝圖受其戮辱邪

邪音耶

阿波然之遣使隨晟入朝沙鉢略素忌阿波驍悍

朝直遇翻

驍堅堯翻悍侯肝翻

自白道敗歸又聞阿波貳於隋因先歸襲擊

北牙大破之殺阿波之母阿波還無所歸西奔達頭達

頭大怒遣阿波帥兵而東

帥讀曰率

其部落歸之者將十萬

騎遂與沙鉢略相攻屢破之復得故地兵執益彊貪汗

可汗素睦於阿波沙鉢略奪其衆而廢之貪汗亡奔達

頭沙鉢從弟地勤察別統部落與沙鉢略有隙復以衆

叛歸阿波

從才用翻復扶又翻

連兵不已各遣使詣長安請和求

援隋主皆不許六月庚辰隋行軍總管梁遠破吐谷

渾於爾汗山

吐從職入聲谷音浴汗音寒

突厥寇幽州隋幽州總

管廣宗壯公李崇帥步騎三千拒之

廣宗縣公廣宗漢古縣五代志屬清

河郡厥九勿翻帥讀曰率騎奇寄翻

轉戰十餘日師人多死遂保砂城突

厥圍之城荒頽不可守禦曉夕力戰又無所食每夜出

掠虜營得六畜以繼軍糧

畜許又翻

突厥畏之厚為其備每

夜中結陳以待之

陳讀曰陣下同

崇軍苦飢出輒遇敵死亡畧

盡及明奔還城者尚百許人然多重傷不堪更戰突厥

意欲降之

降戶江翻

遣使謂崇曰若來降者封為特勤

特勤突厥

達官新書突厥子弟曰特勤使疏吏翻

崇知不免令其士卒曰崇喪師徒

令立定翻
喪息浪翻

罪當萬死今日効命以謝國家汝俟吾死且

可降賊便散走努力還鄉若見至尊道崇此意乃挺刃

突陳復殺二人

挺拔也

突厥亂射殺之

射而亦翻

秋七月以豫

州刺史代人周搖為幽州總管命李崇子敏襲爵

襲爵廣宗

公敏娶樂平公主之女娥英

隋主受禪周天元
后改封樂平公主

詔假一

品羽儀禮如尚帝女既而將侍宴公主謂敏曰我以四

海與至尊唯一壻當為爾求柱國

為于偽翻

若餘官汝慎勿

謝及進見

見賢遍翻

帝授以儀同及開府皆不謝帝曰公主

有大功於我我何得於其壻而惜官乎今授汝柱國敏

乃拜而蹈舞 八月丁卯朔日有食之

考異曰隋紀作七月丁卯蓋

歷差長沙王叔堅未之江州復留為司空

復扶又翻

實奪之權

壬午隋遣尚書左僕射高頴出寧州道內史監虞慶

則出原州道以擊突厥

五代志平涼郡舊置原州監甲暫翻厥九勿翻

九月

癸丑隋大赦 冬十月甲戌隋廢河南道行臺省

去年二月

隋置河南道行臺省

以秦王俊為秦州總管隴右諸州盡隸焉

秦州

天水郡

丁酉立皇弟叔平為相東王叔敖為臨賀王叔

宣為陽山王叔穆為西陽王 戊戌侍中建昌侯徐陵

卒

卒子
恤翻

癸丑立皇弟叔儉為安南王叔澄為南郡王

叔興為沅陵王叔韶為岳山王叔純為新興王

自湘東
以下皆

以郡名疏爵今著後人之所未能徧知者五代志始安
郡富川縣舊置臨賀郡熙平郡桂陽縣梁置陽山郡永
安郡黃岡縣置西陽郡巴陵郡華容縣舊曰安南置安
南郡沅陵縣置沅陵郡信安郡新興縣梁置新興郡岳
山郡闕郡縣志巴陵一名天岳山
岳山蓋即巴陵以封叔韶沅音元

十一月遣散騎常

侍周墳通直散騎常侍袁彥聘于隋帝聞隋主狀貌異

人使彥畫像而歸帝見大駭曰吾不欲見此人亟命屏

之

散悉亶翻駟奇寄翻
亟紀力翻屏必郢翻

隋既班律令

前年十月
隋行新律

蘇威

屢欲更易事條

更工衡翻
下數更同

內史令李德林曰修律令時

公何不言今始頒行且宜專守自非大為民害不可數

更

數所
角翻

河南道行臺兵部尚書楊尚希曰竊見當今郡

縣倍多於古或地無百里數縣並置或戶不滿十二郡

分領具僚已衆資費日多吏卒增倍租調歲減

調徒
帛翻

民

少官多

少詩沼
翻下同

十羊九牧今存要去

上聲

間併小為大國

家則不虧粟帛選舉則易得賢良

易以
豉翻

蘇威亦請廢郡

帝從之甲午悉罷諸郡為州 十二月乙卯隋遣兼散

騎常侍曹令則通直散騎常侍魏澹來聘

散悉重翻 騎寄寄翻

澹

收之族也

魏收事齊以文名澹徒覽翻

丙辰司空長沙王叔堅免

叔堅既失恩心不自安乃為厭媚

厭一琰翻

醢日以求福

或上書告其事

考異曰南史云上陰令人造其厭媚又令人告之今從陳書

帝召叔

堅囚于西省

門下省為東省中書省為西省

將殺之令近侍宣敕數之

數責其罪也數所具翻又所主翻

叔堅對曰臣之本心非有佗故但欲

求親媚耳臣既犯天憲臯當萬死臣死之日必見叔陵

願宣明詔責之於九泉之下帝乃赦之免官而已

因叔堅之

言始念其擁護之功此豈少恩而已哉不明故爾

隋以上柱國竇榮定為右

武衛大將軍榮定妻隋主姊安成公主也隋主欲以榮

定為三公辭曰衛霍梁鄧若少自貶損不至覆宗帝乃

止

四姓皆漢外戚也衛氏夷於武帝之末霍族赤於宣帝之時桓帝怒而梁宗誅滅安帝長而鄧門衰廢事

並見漢紀少詩紹翻

帝以李穆功大詔曰法備小人不防君子太

師申公自今雖有臯但非謀逆縱有百死終不推問禮

部尚書牛弘請立明堂帝以時事草創不許帝覽刑部

奏斷獄數猶至萬

斷丁亂翻

以為律尚嚴密故人多陷罪又

敕蘇威牛弘等更定新律除死罪八十一條流罪一百

五十四條徒杖等千餘條唯定留五百條凡十二卷

一曰

名例二曰衛禁三曰職制四曰戶婚五曰廩庫六曰擅興七曰盜賊八曰鬪訟九曰詐偽十曰雜律十一曰捕

亡十二曰斷獄

自是刑網簡要疎而不失仍置律博士弟子員

大理寺之屬有律博士八人

隋主以長安倉廩尚虛是歲詔西自

蒲陝東至衛汴

河東郡蒲州恒農郡陝州汲郡衛州陳留郡汴州陝州冉翻汴皮變翻

水

次十三州募丁運米

華陝穀洛管汴汾晉蒲絳懷衛相凡十三州

又於衛州

置黎陽倉陝州置常平倉華州置廣通倉

五代志京北郡鄭縣後魏

置東雍州並華山郡西魏改曰華州華戶化翻

轉相灌輸

輸平聲

漕關東及汾晉

之粟以給長安

水運曰漕關東自函谷關以東州郡五代志文城郡東魏置南汾州後周改為

汾州晉州臨汾郡舊平陽郡也漕在到翻

時刺史多任武將類不稱職

將即亮翻

下同稱尺澄翻

治書侍御史柳或上表曰

治直之翻上時掌翻

昔漢光武

與二十八將披荊棘定天下及功成之後無所任職

見事

漢光武紀

伏見詔書以上柱國和千子為杞州刺史

五代志梁郡雍

丘縣隋置杞州

千子前任趙州

趙州時治廣阿

百姓歌之曰老耄不早

殺

今人猶呼割稻為殺稻

餘種穢良田

種章勇翻

千子弓馬武用是其

所長治民浚衆非其所解

治直之翻解戶買翻曉也

如謂優老尚年

尚尊也高也

自可厚賜金帛若令刺舉

漢置刺史掌刺舉郡縣吏故云然

所

損殊大帝善之千子竟免或見上勤於聽受百僚奏請

多有煩碎上疏諫曰臣聞上古聖帝莫過唐虞不為蔽

暱是謂欽明

書元首叢暱哉孔安國曰叢暱細碎無大略馬云叢總也暱小也堯典曰放勳欽明

文思暱倉果翻

舜任五臣

孔子曰舜有臣五人而天下治孔安國曰五臣禹稷契臯陶伯益

堯

咨四岳

孔安國曰四岳即羲和之四子分掌四岳之諸侯

垂拱無為天下以治

治直吏
翻下同

所謂勞於求賢逸於任使比見陛下留心治道

比毗至翻
治直吏翻

無憚疲勞亦由羣官懼罪不能自決取判天

旨

判決也

聞奏過多乃至營造細小之事出給輕微之物

一日之內酌荅百司至乃日旰忘食夜分未寢

旰古按
翻日晏

也夜分
半夜也

動以文簿憂勞聖躬伏願察臣至言少減煩務

少詩
沼翻

若經國大事非臣下裁斷者伏願詳決

斷丁
亂翻

自餘

細務責成所司則聖體盡無疆之壽臣下蒙覆育之賜

覆敷
救翻

上覽而嘉之因曰柳或直士國之寶也或以近世

風俗每正月十五夜然燈遊戲奏請禁之

上元燃燈或云以漢祠太

一自昏至晝故事此說非也梁簡文帝有列燈詩陳後主有光璧殿選詠山燈詩則柳或所謂近世風俗是也

曰竊見京邑爰及外州每以正月望夜

望夜月之十五夜也月旦以日

月合謂之朔十五夜以日月相望謂之望

充街塞陌

塞悉則翻

聚戲朋遊鳴鼓聒

天燎炬照地竭貲破產競此一時盡室并孥無問貴賤

男女混雜縑素不分穢行因此而成盜賊由斯而起

觀此

則上元遊戲之弊其來久矣後之當路者能不惑於世俗奮然革之亦所謂豪傑之士也

因循弊風

曾無先覺無益於化實損於民請頒天下並即禁斷

斷音

短

詔從之

資治通鑑卷一百七十五

欽定四庫全書

資治通鑑卷一百七十六 宋 司馬光 撰

胡三省 音注

陳紀十

起開逢執徐盡著
雍泥灘凡五年

長城公下

至德二年春正月甲子日有食之 己巳隋主享太廟

辛未祀南郊 壬申梁主入朝于隋

朝直還
翻下同

服通天冠

絳紗袍北面受郊勞及入見於大興殿隋主服通天冠

絳紗袍梁主服遠遊冠朝服君臣並拜

通天冠絳紗袍天子之服也服

天子之服北面以受郊勞示臣服於隋而未至純於臣也遠遊冠朝服諸王見天子之服也入見大興殿純於臣矣大興殿隋新都正殿也唐為西內太極殿遠遊三梁冠黑介幘朝服絳紗單衣白紗內單卑領袖卑襪革帶鉤釧假帶方心絳紗蔽膝鞬烏綬佩君臣並拜非禮也勞力到翻見賢遍翻襪離免翻釧丑例翻又救列翻

賜縑萬匹珍玩稱是

稱是言其直與萬縑稱也稱尺證翻

隋前華州刺

史張賓

華戶化翻

儀同三司劉暉等造甲子元曆成

甲子元曆其要

以上元甲子己巳已來至開皇四年歲在甲辰積算起

奏之士辰詔頒新曆

異曰考

隋律歷志云二月撰成奏上今從帝紀

癸巳大赦

二月乙巳隋主餞

梁主於灞上

梁主歸國故餞之

突厥蘇尼部男女萬餘口降

隋

厥凡勿翻尼女夷翻降戶江翻下同

庚戌隋主如隴州

五代志扶風汧源縣西魏

置隴東郡及東秦州後改隴州

突厥達頭可汗請降於隋

可從刊入聲汗音寒

考異曰隋帝紀云突厥阿史那玷厥帥其衆來降按時玷厥方疆蓋文降耳

夏四月庚子

隋以吏部尚書虞慶則為右僕射 隋上大將軍賀婁

子幹發五州兵擊吐谷渾

時發河西五州兵蓋涼甘瓜鄯廓也吐從瞰入聲谷音浴

殺男女萬餘口二旬而還

還音旋又如字

帝以隴西頻被寇掠

而俗不設村塢

塢安古翻壁壘也說文曰小障也一曰庫城也通俗文營居曰塢被皮義翻

命子幹勸民為堡

堡音保小城也

仍營田積穀子幹上書曰隴

右河西土曠民稀邊境未寧不可廣佃

上時掌翻佃徒年翻作田也

比見屯田之所

比毗至翻

獲少費多虛役人功卒逢踐暴

少詩

沼翻卒子恤翻

屯田疎遠者請皆廢省但隴右之人以畜牧為

事

畜許六翻

若更屯聚彌不自安但使鎮戍連接烽堠相望

堠戶邁翻

民雖散居必謂無慮帝從之以子幹曉習邊事丁

巳以為榆關總管

五代志榆林郡金河縣開皇三年置榆關總管榆林郡後置勝州

五月以吏部尚書江總為僕射

隋主以渭水多沙深

淺不常漕者苦之六月壬子詔太子左庶子宇文愷帥

水工鑿渠引渭水

帥讀曰率

自大興城東至潼關三百餘里

名曰廣通渠漕運通利關內賴之秋七月丙寅遣兼

散騎常侍謝泉等聘于隋

散悉竇翻騎奇寄翻

八月壬寅隋鄧

恭公竇熾卒

熾昌志翻卒子恤翻

乙卯將軍夏侯苗請降于隋

夏戶雅翻降戶江翻

隋主以通和不納

九月甲戌隋主以關中

饑行如洛陽隋主不喜詞華

喜許記翻

詔天下公私文翰

並宜實錄泗州刺史司馬幼之

五代志下邳郡後魏置南徐州梁改東徐州陳

改安州後周改泗州文表華艷付所司治罪治書侍御史趙郡李

諤亦以當時屬文體尚輕薄

治直之翻屬之欲翻

上書曰魏之三

祖

上時掌翻三祖謂曹魏父子孫太祖武帝高祖文皇帝烈祖明皇帝

崇尚文詞忽君

人之大道好雕蟲之小藝

揚子曰童子雕蟲篆刻好呼到翻

下之從上

遂成風俗江左齊梁其弊彌甚競一韻之奇爭一字之

巧連篇累牘不出月露之形積案盈箱唯是風雲之狀

世俗以此相高朝廷據茲擢士祿利之路既開愛尚之

情愈篤於是閭里童昏貴遊總叩

童昏言童幼昏蒙未有知識也鄭玄曰貴

遊子弟王公之子弟遊無官司者詩總角非幼稚也非古患翻未窺六

甲古者八歲入小學學六甲五方書計之事六甲謂六十甲子也先製五言謂五言詩至如

羲皇舜禹之典伊傅周孔之說不復關心復扶又翻何嘗入

耳以傲誕為清虛以緣情為勲績指儒素為古拙用詞

賦為君子故文筆日繁其政日亂良由棄大聖之軌模

搆無用以為用也今朝廷雖有是詔如聞外州遠縣仍

踵弊風躬仁孝之行者行下孟翻擯落私門不加收齒工輕

薄之藝者選充吏職舉送天朝朝直遇翻蓋由刺史縣令未

導風教請普加采察送臺推劾

効戶槩翻又戶得翻

又上言士大

夫矜伐干進無復廉恥乞明加罪黜以懲風軌

風軌風迹也上

時掌

詔以諤前後所奏頒示四方

突厥沙鉢略可汗

數為隋所敗

厥凡勿翻可從刊入聲汗音寒數所角翻敗補邁翻

乃請和親千金

公主自請改姓楊氏為隋主女隋主遣開府儀同三司

徐平和使於沙鉢略更封千金公主

千金公主

宇文氏請於沙鉢略欲復讐及兵敗於外眾離於內乃請為隋主女更封以大義非嘉名也取大義滅親云爾為大義不得其死張本使

晉王廣請因豐乘之

豐許隋

疏吏翻下同更工衡翻

主不許沙鉢略遣使致書曰從天生大突厥天下賢聖
天子伊利居廬設莫何沙鉢略可汗致書大隋皇帝皇
帝婦父乃是翁比此為女夫乃是兒例兩境雖殊情義
如一自今子子孫孫乃至萬世親好不絕好呼到翻上天為

證終不違負此國羊馬皆皇帝之畜

畜許救翻

彼之繒綵皆

此國之物

繒疾陵翻

帝復書曰大隋天子貽書大突厥沙鉢

略可汗得書知大有善意既為沙鉢略婦翁今日視沙
鉢略與兒子不異時遣大臣往彼省女復省沙鉢略也

省悉景翻
復扶又翻

於是遣尚書右僕射虞慶則使於沙鉢略驍

騎將軍長孫晟副之

騎奇寄翻長知
兩翻晟承正翻

沙鉢略陳兵列其

珍寶坐見慶則稱病不能起且曰我諸父以來不向人

拜慶則責而諭之千金公主私謂慶則曰可汗豺狼性

過與爭將齧人

齧互結
翻噬也

長孫晟謂沙鉢略曰突厥與隋

俱大國天子可汗不起安敢違意但可賀敦為帝女則

可汗是大隋女壻奈何不敬婦翁沙鉢略笑謂其達官

曰須拜婦翁

突厥子弟曰特勒大臣曰葉護曰屈律噉
曰阿波曰俟利發曰吐屯曰俟斤曰闕洪

達曰頡利發曰
達干皆達官也

乃起拜頓顙

顙顙 顙桑 黨翻

跪受璽書以戴於首

璽斯氏翻

既而大慙與羣下相聚慟哭慶則又遣稱臣沙鉢

略謂左右曰何謂臣左右曰隋言臣猶此云奴耳沙鉢

略曰得為大隋天子奴虞僕射之力也贈慶則馬千匹

并以從妹妻之

從才用翻 妻七細翻

冬十一月壬戌隋主遣兼

散騎常侍薛道衡等來聘

散悉亶翻 騎奇寄翻

戒道衡當識朕意

勿以言辭相折

折之舌翻

是歲上於光昭殿前起臨春結

綺望仙三閣各高數十丈

高古到翻

連延數十間其牕牖壁

帶縣楣欄檻皆以沈檀為之

釋名曰窻聰也於內見外之聰明也隔亦窻也說文

隔穿壁以木為交窻壁帶壁中橫木班固西都賦金鉅銜壁是為列錢賢註曰以黃金為鉅其中銜壁納之於壁帶為行列歷歷如錢也應楣橫木施於前後兩極之間下不裝構今人謂之掛楣欄檻皆所以凭也施於簷下階際者曰欄施於窻牖之間者曰檻沈檀皆香木縣讀曰懸沈持林翻飾以金玉間以珠翠

翠

珠珍珠翠翡翠毛間古莧翻

外施珠簾內有寶牀寶帳其服玩瑰

麗近古所未有每微風暫至香聞數里

瑰工同翻聞音問

其下

積石為山引水為池雜植奇花異卉

卉百草摠名音許偉翻又音諱上

自居臨春閣張貴妃居結綺閣龔孔二貴嬪居望仙閣

並複道交相往來又有王李二美人張薛二淑媛袁昭

儀何婕妤江修容並有寵

梁制貴妃貴嬪貴姬是為三夫人金章龜鈕紫綬八十首

佩于寘玉虎頭鞞淑媛淑儀淑容昭華昭儀昭容修華修儀修容是為九嬪金章龜鈕青綬八十首虎頭鞞佩采璫玉婕妤好容華充華承徽列榮五職位亞九嬪銀印珪鈕艾綬虎頭鞞美人人才人良人三職散位銅印環鈕墨綬虎頭鞞嬪毗賓翻媛于眷翻婕妤好音接于迭遊其上以宮人有文學者袁

大捨等為女學士僕射江總雖為宰輔不親政務日與

都官尚書孔範散騎常侍王瑳等

散悉重翻騎奇寄翻瑳倉何翻

文士

十餘人侍上遊宴後庭無復尊卑之序謂之狎客上每

飲酒使諸妃嬪及女學士與狎客共賦詩互相贈答

考

異曰平陳記云張貴妃等八人夾坐江總等十人預宴先令八婦人襪采牋製五言詩十客一時繼和稽緩則罰酒今從

陳書南史

采其尤艷麗者被以新聲

被皮義翻

選宮女千餘

人習而歌之分部迭進其曲有玉樹後庭花臨春樂等

五代志後主於清樂中造黃鸝留及玉樹後庭花金釵兩鬢垂等曲與幸臣製其歌詞綺艷相高極於輕薄男女唱和其音甚哀臨春樂者言臨春閣之樂也樂音洛

大略皆美諸妃嬪之容色

君臣酣歌自夕達旦以此為常張貴妃名麗華本兵家女為龔貴嬪侍兒上見而悅之得幸生太子深貴妃髮

長七尺其光可鑑

長直亮翻

性敏慧有神彩進止詳華

詳審而華

麗也每瞻視眄睐

仰視曰瞻正觀曰視斜視曰眄旁視曰睐眄莫甸翻睐洛代翻

光采溢

日照映左右善候人主顏色引薦諸宮女後宮咸德之

競言其善又有厭魅之術

厭魅所謂婦人媚道也厭一琰翻魅音媚

常置淫

祀於宮中聚女巫鼓舞上怠於政事百司啟奏並因宦

者蔡脫兒李善度進請上倚隱囊

隱囊者為囊實以細軟置諸坐側坐倦則

側身曲肱以隱之隱於靳翻

置張貴妃於膝上共決之李蔡所不能

記者貴妃並為條疏

疏分也為于偽翻

無所遺脫因參訪外事

人間有一言一事貴妃必先知白之由是益加寵異冠

絕後庭

冠古玩翻

宦官近習內外連結援引宗戚縱橫不法

援于元翻

賣官鬻獄貨賂公行賞罰之命不出于外

言出

橫下孟翻

命不由中書而出於宮掖也

大臣有不從者因而譖之於是孔張之

權熏灼四方

孔張謂孔貴嬪張貴妃也

大臣執政皆從風諂附孔範

與孔貴嬪結為兄妹上惡聞過失

惡烏路翻

每有惡事孔範

必曲為文飾稱揚贊美由是寵遇優渥言聽計從羣臣

有諫者輒以罪斥之中書舍人施文慶頗涉書史嘗事

上於東宮聰敏彊記明閑吏職

閑習也

心筭口占應時條

理由是大被親幸

被皮義翻

又薦所善吳興沈客卿

五代志吳郡烏

程縣舊置

陽惠朗徐哲暨慧景等

姓纂周景王封少子於陽樊因邑命氏余

吳興郡

按春秋之時齊人遷陽子孫蓋以國為氏

江南自來有豎姓吳時有豎艷豎戟乙翻云有吏能上

皆擢用之以客卿為中書舍人客卿有口辯頗知朝廷

典故兼掌金帛局

陳中書省分為二十一局

舊制軍人士人並無關

市之稅上盛修宮室窮極耳目府庫空虛有所興造恒

苦不給客卿奏請不問士庶並責闕市之征而又增重

其舊於是以陽惠朗為太市令暨慧景為尚書金倉都

令史

梁制太市令屬太府卿秩六百石尚書金倉都令史金部倉部都令史也梁制尚書都令史視奉朝

請恒戶

登翻

二人家本小吏考校簿領纖毫不差然皆不達

大體督責苛碎聚斂無厭

斂力瞻翻厭於鹽翻

士民嗟怨客卿總

督之每歲所入過於常格數十倍

過工禾翻

上大悅益以施

文慶為知人

臨亂之君各賢其臣其信然矣

尤見親重小大衆事無不

委任轉相汲引

汲水者引繩期必上人臣之相汲引亦猶是也

珥貂蟬者五十

人

珥市志翻

孔範自謂文武才能舉朝莫及

朝直遙翻

從容白上

曰外間諸將起自行伍

從千容翻將即亮翻行戶剛翻

匹夫敵耳深見

遠慮豈其所知上以問施文慶文慶畏範亦以為然司

馬申復贊之

復扶又翻

自是將帥微有過失

帥所類翻

即奪其兵

分配文吏奪任忠部曲以配範及蔡徵由是文武解體

以至覆滅

通鑑具叙陳氏亡國之由

三年春正月戊午朔日有食之 隋主命禮部尚書牛

弘修五禮勒成百卷戊辰詔行新禮

五禮吉凶軍賓嘉

三月

戊午隋以尚書左僕射高穎為左領軍大將軍 豐州

刺史章大寶昭達之子也

五代志建安郡界陳置閬州後又置豐州章昭達歷事高

祖世祖高宗皆有戰功

在州貪縱朝廷以太僕卿李暈代之暈將

至辛酉大寶襲殺暈舉兵反

隋大司徒郢公王誼

大司

徒周之六官按王誼拜大司徒隋主未受禪也隋既受禪改周之六官司徒列於三公不應復加大字

與

隋主有舊

王誼少與隋主同學

其子尚帝女蘭陵公主帝待之恩

禮稍薄誼頗怨望或告誼自言名應圖識相表當王

相悲

亮翻

公卿奏誼大逆不道壬寅賜誼死 戊申隋主還長

安

去年九月隋主如洛陽今還

章大寶遣其將楊通攻建安不克

以此觀之陳之豐州治閬縣而建
安縣自別置建安郡將即亮翻

臺軍將至大寶衆潰

逃入山為追兵所擒夷三族

隋度支尚書長孫平

元年

隋已改度支為民部志作工部尚
書長孫平度徒洛翻長知兩翻

奏令民間每秋家出

粟麥一石以下貧富為差儲之當社委社司檢校以備

凶年名曰義倉隋主從之五月甲申初詔郡縣置義倉

時民間多妄稱老小以免賦役

隋承周制男女三歲已
下為黃十歲已下為小

六十者
為老

山東承北齊之弊政

北齊高齊言北齊者
以別蕭氏之南齊

戶口

租調姦偽尤多隋主命州縣大索貌閱

調徒平翻索山
客翻貌閱者閱

其貌以驗
老小之實

戶口不實者里正黨長遠配

隋頒新令制人五家為保保有

長保五為閭閻四為族皆有正畿外置里正
比閭正黨長比族正以相檢察焉長知兩翻

大功以下

皆令析籍以防容隱

堂兄弟其服大功

於是計帳得新附一百

六十四萬餘口高頰請為輸籍法徧下諸州

輸籍凡民間課輸皆

籍其數使州縣長吏不得以走弄出沒下戶嫁翻

帝從之自是姦無所容矣諸

州調物每歲河南自潼關河北自蒲坂輸長安者相屬

於路

調徒弔翻屬之欲翻

晝夜不絕者數月

梁主殂謚曰孝明

皇帝廟號世宗世宗孝慈儉約境內安之太子琮嗣位

琮藏
宗翻

初突厥阿波可汗既與沙鉢略有隙

厥九勿翻
可從刊入

聲汗音寒有隙
事始上卷元年

阿波浸疆東距都斤

都斤突厥中山名
沙鉢略初立建牙

於此

西越金山龜茲鐵勒伊吾及西域諸胡悉附之

伊吾

之地吐屯設主之蓋突厥
所署置也龜茲音丘慈

號西突厥

突厥自是
分為東西

隋主亦

遣上大將軍元契使于阿波以撫之

使疏
吏翻

秋七月庚

申遣散騎常侍王詒等聘于隋

散悉亶翻
騎奇寄翻

突厥沙鉢

略既為達頭所困

達頭資阿波以兵使攻沙
鉢略是為其所困者也

又畏契丹

西既為達頭所困東又畏契
丹見逼契欺訖翻又音吃

遣使告急於隋請將部落

度漠南寄居白道川

欲南傍長城下倚隋為援使疏吏翻將即亮翻又如字

隋主

許之命晉王廣以兵援之

晉王廣時為并省北邊皆屬焉故命以兵援沙鉢略給

以衣食賜之車服鼓吹

吹昌瑞翻

沙鉢略因西擊阿波破之

借隋兵之勢以獲勝

而阿拔國乘虛掠其妻子官軍為擊阿拔敗

之

為干偽翻敗補邁翻

所獲悉與沙鉢略沙鉢略大喜乃立約以

磧為界

磧七迹翻

因上表曰天無二日土無二王

此語本之孟子上時

掌翻下同

大隋皇帝真皇帝也豈敢阻兵恃險偷竊名號今

感慕淳風歸心有道屈膝稽顙

稽音啟顙桑黨翻

永為藩附遣

其子庫合真入朝

考異曰隋突厥傳作窟合真今從帝紀朝直遥翻

八月丙戌

庫合真至長安隋主下詔曰沙鉢往雖與和

往已往也言往事也

猶是二國今作君臣便成一體因命肅告郊廟普頒遠

近凡賜沙鉢略詔不稱其名宴庫合真於內殿

突厥馮陵諸夏

周齊屈體結之今沙鉢略奉表稱臣遣子入覲隋主告之郊廟布之臣庶大其事也宴之於內殿親之也

引

見皇后賞勞甚厚

見賢遍翻勞力到翻

沙鉢略大悅自是歲時貢

獻不絕九月將軍湛文徹侵隋和州隋儀同三司費

寶首擊擒之

費扶沸翻姓也

丙子隋使李若等來聘冬十

月壬辰隋以上柱國楊素為信州總管

五代志巴東郡梁置信州隋置

楊素於永安將使之為舟師以伐陳也

初北地傅縡

縡作代翻

以庶子事上

於東宮及即位遷秘書監右衛將軍兼中書通事舍人

負才使氣人多怨之施文慶沈客卿共譖縡受高麗使

金上收縡下獄

麗力知翻使疏吏翻下戶嫁翻

縡於獄中上書曰夫君

人者恭事上帝子愛下民省嗜欲遠諂佞未明求衣日

旰忘食

中上時掌翻夫音扶逮于願翻旰古按翻

是以澤被區宇

被皮義翻

慶流

子孫陛下頃來酒色過度不虔郊廟大神專媚淫昏之

鬼謂寵張貴妃使女巫鼓舞於宮中而淫祀也

小人在側宦豎弄權惡忠直

若仇讎視生民如草芥後宮曳綺繡廐馬餘菽粟百姓

流離殍尸蔽野貨賄公行帑藏損耗神怒民怨衆叛親

離臣恐東南王氣自斯而盡

惡烏路翻殍居良翻帑它朗翻藏徂浪翻王于況翻

又如

書奏上大怒頃之意稍解遣使謂緯曰我欲赦卿

卿能改過不

使疏吏翻不讀曰否

對曰臣心如面臣面可改則臣

心可改上益怒令宦者李善慶窮治其事遂賜死獄中

治直之翻

上每當郊祀常稱疾不行故緯言及之是歲梁

大將軍戚昕以舟師襲公安不克而還

公安陳荊州治所昕許斤翻還

音旋又

隋主徵梁主叔父太尉吳王岑入朝拜大將軍

如字

封懷義公因留不遣

朝直遇翻

復置江陵總管以監之

隋罷江陵

總管見上卷陳高宗太建十四年復扶又翻監工銜翻

梁大將軍許世武密以城召

荊州刺史宜黃侯慧紀

宜黃古縣吳立屬臨川郡隋併省

謀泄梁主殺

之慧紀高祖之從孫也

從才用翻

隋主使司農少卿崔仲

方發丁三萬於朔方靈武築長城東距河西至綏州

五代

志雕陰郡西魏置綏州

綿歷七百里以遏胡寇

四年梁改元廣運

甲子党項羌請降於隋

隋書党項羌者三苗

之後也自稱獼猴種東接臨洮西平西拒葉護南
北數千里每姓別為部落党底朗翻降戶江翻

庚

午隋頒歷於突厥

頒歷則稟受正朔矣

二月隋始令刺史上佐

每歲暮更入朝上考課

上佐謂長史司馬更
工衡翻上時掌翻

丁亥隋

復令崔仲方發丁十五萬於朔方以東緣邊險要築數

十城

朔方郡夏州
復扶又翻

丙申立皇弟叔謨為巴東王叔顯

為臨江王叔坦為新會王叔隆為新寧王

五代志歷陽
郡為江縣陳

為臨江郡南海郡新會縣舊置新
會郡信安郡新興縣梁置新寧郡

庚子隋大赦

三

月己未洛陽男子高德上書請隋主為太上皇傳位皇

太子帝曰朕承天命撫育蒼生日旰孜孜猶恐不逮

古旰

安翻 豈效近代帝王傳位於子自求逸樂者哉

言不效齊武成周天

元也樂音洛

夏四月己亥遣周礎等聘于隋

礎薄官翻

三月

丁巳立皇子莊為會稽王

會古外翻

秋八月隋遣散騎常

侍裴豪等來聘

散悉宣翻騎奇寄翻

戊申隋申明公李穆卒

隋以

李穆能知幾保身故謚曰明卒子恤翻

葬以殊禮

閏月丁卯隋太子勇

鎮洛陽

隋上柱國邴公梁士彥討尉遲迥

事見一百七十四卷

高宗太建十二年尉紆勿翻

所當必破代迴為相州刺史

相息亮翻

隋主

忌之召還長安上柱國杞公宇文忻與隋主少相厚

時少

照翻善用兵有威名隋主亦忌之以譴去官

忻為右領軍大將軍

以

柱國舒公劉昉皆被疎遠

被皮義翻遠于願翻以當作與

閑居無事頗

懷怨望數相往來

數所角翻

陰謀不軌忻欲使士彥於蒲州

起兵

蒲州蒲坂河津之要去長安三百餘里

已為內應士彥之甥裴通預

其謀而告之帝隱其事以士彥為晉州刺史

晉州平陽用武之地

周齊兵爭以為重鎮

欲觀其意士彥忻然謂昉等曰天也又請儀

同三司薛摩兒為長史帝亦許之後與公卿朝謁

朝直遇翻

下同

帝令左右執士彥忻昉於行間詰之

行戶剛翻詰去吉翻

初猶

不伏捕薛摩兒適至命之庭對

於殿庭面質其事

摩兒具論始

末士彥失色顧謂摩兒曰汝殺我丙子士彥忻昉皆伏

誅叔姪兄弟免死除名九月辛巳隋主素服臨射殿命

百官射三家資物以為誡

三人者與隋主有舊又有翼戴之功而謀為不軌故為之

素服而又以誡百官

冬十月己酉隋以兵部尚書楊尚希為禮

部尚書隋主每旦臨朝日昃不倦尚希諫曰周文王以

憂勤損壽武王以安樂延年

鄭玄注禮記有是言
景阻力翻樂音洛

願陛

下舉大綱責成宰輔繁碎之務非人主所宜親也帝善

之而不能從 癸丑隋置山南道行臺於襄州

襄州治
襄陽其

地在長安
南山之南

以秦王俊為尚書令俊妃崔氏生男隋主喜

頒賜羣官直祕書內省博陵李文博家素貧

曹魏藏書
在祕書中

外三閣是時祕書已有內外之分矣隋氏開獻書之路
召天下工書之士補續殘缺為正副二本藏于宮中其
餘以實祕書內外之閣故置直
祕書內省之官博陵郡定州

人往賀之文博曰賞罰

之設功過所存今王妃生男於羣官何事乃妄受賞也

聞者愧之 癸亥以尚書僕射江總為尚書令吏部尚

書謝朓為僕射

祐直

十一月己卯大赦 吐谷渾可

汗夸呂在位百年

夸呂隋書吐谷渾傳作呂夸

屢因喜怒廢殺太子

後太子懼謀執夸呂而降

降戶江翻下同

請兵於隋邊吏秦州

總管河間王弘請以兵應之

秦州天水郡河間王弘隋主從祖弟

隋主不

許太子謀洩為夸呂所殺復立其少子嵬王訶為太子

復扶又翻下同少詩照翻嵬五灰翻

疊州刺史杜粲

五代志臨洮郡疊川縣後周置疊州宋白

曰以其地山多重疊也

請因其疊而討之

疊許觀翻

隋主又不許是歲

嵬王訶復懼誅謀帥部落萬五千戶降隋遣使詣闕請

兵迎之

帥讀曰率使疏吏翻下同

隋主曰渾賊風俗特異人倫

言其去人

倫與中國異俗

父既不慈子復不孝朕以德訓人何有成其惡

逆乎乃謂使者曰父有過失子當諫爭

爭與諍同音則逆翻

豈可

潛謀非法受不孝之名溥天之下皆朕臣妾各為善事

即稱朕心

稱尺證翻

嵬王既欲歸朕唯教嵬王為臣子之灋

不可遠遣兵馬助為惡事

隋主可謂有君人之言矣

嵬王訶乃止

禎明元年春正月戊寅大赦改元 癸巳隋主享太廟

乙未隋制諸州歲貢士三人 二月丁巳隋主朝日

于東郊

五代志禮天子以春分朝日於東郊秋分夕月於西郊漢法不俟二分於東西郊常以郊泰時

旦出竹宮東向揖日其夕西向揖月魏文譏其煩褻似家人之事而以正月朝日于東門之外前史又以為非

時及明帝太和元年二月丁亥朝日于東郊八月己丑

夕月於西郊始合於古後周以春分朝日於國東門外

為壇如其郊用特牲青幣青圭有邸皇帝乘青輅及祀

官俱青冕執事者青弁燔燎如圖丘秋分夕月於國西

門外為壇於垣中燔燎禮如朝日隋開皇初於國東春

明門外為壇每以春分朝日又於國西開遠門外坎中

為壇每以秋分夕月牲

幣與周同朝直遥翻

遣兼散騎常侍王亨等聘于

隋

散悉亶翻
騎奇奇翻

隋發丁男十萬餘人修長城二旬而罷

夏四月於揚州開山陽瀆以通運

揚州治廣陵山陽縣屬焉按春秋吳城邦

溝通江淮山陽瀆通於廣陵尚矣

隋特開而深廣之將以伐陳也

遣其子入貢于隋因請獵於恒代之間

拓拔氏始都平城建為代都置

司州及代都尹後遷洛陽改司州為恒州故曰恒代也厥九勿翻可從刊入聲汗音寒恒戶登翻

隋主

許之仍遣人賜以酒食沙鉢略帥部落再拜受賜

帥讀日率

沙鉢略尋卒隋為之廢朝三日

卒于恤翻為于偽翻朝直遥翻

遣太常

帛祭初沙鉢略以其子雍虞閭懦弱

懦弱乃卧翻又奴亂翻

遣令立

其弟葉護處羅侯

葉護突厥達官

雍虞閭遣使迎處羅侯將立

之

使疏吏翻下同

處羅侯曰我突厥自木杆可汗以來多以弟

代兄

逸可汗捨其子而立木杆木杆捨其子而立佗鉢佗鉢卒攝圖大邏便遂至爭國事並見前杆古按

翻

以庶奪嫡失先祖之法不相敬畏

謂大邏便嘗辱菴羅又與沙鉢略為

敵達頭又從而助之也

汝當嗣位我不憚拜汝雍虞閭曰叔與我

父共根連體我枝葉也豈可使根本反從枝葉叔父屈

於卑幼乎且亡父之命何可廢也願叔勿疑遣使相讓

者五六處羅侯竟立是為莫何可汗以雍虞閭為葉護

遣使上表言狀隋使車騎將軍長孫晟持節拜之

可從刊入

聲汗音寒使疏吏翻上時掌翻騎奇寄翻拜莫何為可汗也

賜以鼓吹幡旗

吹昌瑞翻

莫

何勇而有謀以隋所賜旗鼓西擊阿波阿波之衆以為

得隋兵助之多望風降附遂生擒阿波

降戶江翻

考

前云沙鉢略西擊阿波破擒之後又云處羅侯生擒阿波長孫晟傳曰處羅侯因臣奏曰阿波為天所滅與五六千騎在山谷間伏聽詔旨當取之以獻按前云沙鉢略破擒之擒衍字耳處羅侯云當取以獻則是得否未可必隋安得豫議其死

上書請其死生之命隋主下其

議

上時掌翻下戶嫁翻莫何不敢專殺阿波而請命於隋隋之威令可謂行於突厥矣

樂安公元

諸請就彼梟首

梟古亮翻

武陽公李充請生取入朝

武陽郡公隋之

魏州武陽郡也
朝直遥翻下同

顯戮以示百姓隋主謂長孫晟於卿何

如晟對曰若突厥背誕

杜預曰背誕謂背命放誕陸德明曰背音佩誕音但按今讀從

去聲
亦通

須齊之以刑今其昆弟自相夷滅阿波之惡非負

國家因其困窮取而為戮恐非招遠之道不如兩存之

左僕射高潁曰骨肉相殘教之蠹也宜存養以示寬大

隋主從之

甲戌隋遣兼散騎常侍楊同等來聘

散悉
宣翻

騎奇
寄翻

五月乙亥朔日有食之

秋七月己丑隋衛昭

王爽卒

卒子
恤翻

八月隋主徵梁主入朝梁主帥其羣臣

二百餘人發江陵

朝直遇翻
帥讀曰率

庚申至長安隋主以梁主

在外遣武鄉公崔弘度將兵戍江陵軍至都州

隋無都
州蕭琮

傳作郡州當從之五代志竟陵郡樂鄉縣西魏置郡
州又南郡紫陵縣其城南面梁置郡州郡市灼翻

梁

主叔父太傅安平王巖弟荊州刺史義興王瓛等

瓛戶
官翻

恐弘度襲之乙丑遣都官尚書沈君公詣荊州刺史宜

黃侯慧紀請降

降戶
江翻

九月庚寅慧紀引兵至江陵城下

辛卯巖等驅文武男女十萬口來奔隋主聞之廢梁國

梁敬帝紹泰元年後梁中宗即
帝位更三主三十三年而亡

遣尚書左僕射高潁安

集遺民

射寅謝翻
頴居永翻

梁中宗世宗各給守冢十戶拜梁王

琮上柱國賜爵莒公

甲午大赦

冬十月隋主如同

州癸亥如蒲州

十一月丙子以蕭巖為開府儀同三

司東揚州刺史蕭瑊為吳州刺史

五代志會稽郡梁置
東揚州吳郡陳置吳

州

丁亥以豫章王叔英兼司徒

甲午隋主如馮翊

親祠故社

隋主生於馮翊猶漢祀豐枌榆
社之意然親祠則禮重於漢矣

戊戌還長安

還從宣翻
又音如字

是行也內史令李德林以疾不從

從才
用翻

隋主

自同州敕書追之

追召
也

與議伐陳之計及還帝馬上舉

鞭南指曰待平陳之日以七寶裝嚴公使自山以東無

及公者

言又將顯貴之使出於等夷李德林山東人

初隋主受禪以來與

陳鄰好甚篤每獲陳諜皆給衣馬禮遣之

好呼到翻諜徒協翻間探

之人

而高宗猶不禁侵掠故太建之末隋師入寇會高宗

殂隋主即命班師

事見上卷太建十四年殂祚乎翻

遣使赴弔

使疏吏翻

書

稱姓名頓首帝答之益驕書末云想彼統內如宜此字

宙清泰隋主不悅以示朝臣

朝直遥翻

上柱國楊素以為主

辱臣死再拜請罪隋主問取陳之策於高潁對曰江北

地寒田收差晚江南水田早熟量彼收穫之際

潁居永
翻量音

良微徵士馬聲言掩襲彼必屯兵守禦足得廢其農時

彼既聚兵我便解甲再三若此彼以為常後更集兵彼

必不信猶豫之頃我乃濟師

此濟師謂
舉兵濟江

登陸而戰兵氣

益倍

謂兵既登岸後限大江士無反
顧之心有必死之志其氣益倍

又江南土薄舍多

茅竹所有儲積皆非地窖

窖古
孝翻

若密遣行人因風縱火

待彼修立復更燒之

復扶
又翻

不出數年自可財力俱盡隋

主用其策陳人始困於是楊素賀若弼及光州刺史高

勸號州刺史崔仲方等

五代志弋陽郡梁置光州弘農郡隋置號州若人者翻勸音邁

爭獻平江南之策仲方上書曰今唯須武昌以下蘄和

滁方吳海等州

上時掌翻武昌陳為郡隋平陳廢為縣屬江夏郡五代志蘄春郡後齊置羅州

後周改曰蘄州歷陽郡後齊置和州江都郡清流縣舊置南譙州改曰滁州六合縣後齊置秦州後周改曰方

州江都郡本南兗州後周改曰吳州東海郡東魏海州蘄居依翻又音其

更帖精兵

帖添

密

營度計益信襄荆基郢等州

蜀郡益州巴東郡信州襄陽郡襄州南郡荊州竟陵

郡豐鄉縣西魏置基州弋陽郡定城縣舊置郢州

速造舟楫多張形勢為水戰

之具蜀漢二江是其上流

蜀江出三峽過南郡漢江過襄陽竟陵沔陽而二江合流

國於東南者二
江其上流也
水路衝要必爭之所賊雖流頭荆門延

州公安巴陵隱磯夏首蘄口湓城置船

水經注江水過夷陵而東至流

頭灘其水峻激奔暴魚鼈所不能游行者苦之又出西陵峽而東歷荆門虎牙之門荆門之下為延州又東過南郡而東右與油水合謂之油口油口即公安也又東過長沙下屬縣北與湘水會匯為洞庭而得巴陵又東至彭城磯磯北對隱磯夏首即夏口以夏水入江而得名屈原哀郢過夏首而西浮江水又東過蘄春縣與蘄水會謂之蘄口又東至尋陽得湓浦有湓城皆沿江要害之地也夏戶稚翻然終聚漢口峽

口以水戰大決

漢口即夏口峽口西陵峽口

若賊必以上流有軍令

精兵赴援者下流諸將即須擇便橫度如擁衆自衛上

江諸軍鼓行以前

將即亮翻上江諸軍謂蜀江漢江順流東下之軍也

彼雖恃九

江五湖之險非德無以為固徒有三吳百越之兵非恩

不能自立矣隋主以仲方為基州刺史及受蕭巖等降

降戶

隋主益忿謂高潁曰我為民父母豈可限一衣帶

水不拯之乎命大作戰船人請密之隋主曰吾將顯行

天誅何密之有使投其梯於江

梯方廢翻斫木札也

曰若彼懼而

能改吾復何求

復扶又翻

楊素在永安

蜀先主敗於秭歸退還白帝起永安宮居

之故巴東有永安之名

造大艦名曰五牙

艦戶

上起樓五層高百

餘尺左右前後置六拍竿

拍竿發之以拍敵船

並高五十尺

高古號翻

容戰士八百人次曰黃龍置兵百人自餘平乘舴艋各

有等差

舴艋格翻舴莫幸翻

晉州刺史皇甫續將之官稽首言陳

有三可滅

之往也之官往服官事也稽音啟

帝問其狀曰大吞小一也

以有道伐無道二也納叛臣蕭巖於我有詞三也陛下

若命將出師臣願展絲髮之効隋主勞而遣之

將即亮翻勞力

到翻時江南妖異特衆

妖於驕翻

臨平湖草久塞忽然自開

臨平

湖在餘杭郡錢塘縣此湖常蕃塞故老相傳湖開則天下平塞悉則翻

帝惡之乃自賣於

佛寺為奴以厭之

惡烏路翻厭於葉翻

又於建康造大皇寺起七

級浮圖未畢火從中起而焚之吳興章華好學善屬文

朝臣以華素無伐閱

好呼到翻屬之欲翻朝直還翻顏師古曰伐積功也閱經歷也競

排詆之除太市令華鬱鬱不得志上書極諫略曰昔高

祖南平百越

謂平盧子略李賁元景仲蘭裕蕭勃之亂上時掌翻

北誅逆虜

謂平侯景

世祖東定吳會

謂破斬杜龕張彪

西破王琳

見一百六十八卷世祖天嘉元年

高宗克復淮南辟地千里

見一百七十一卷太建五年辟讀曰闢

三祖之

功勤亦至矣陛下即位于今五年不思先帝之艱難不

知天命之可畏溺於嬖寵惑於酒色

溺奴狄翻嬖卑義翻又博計翻

祠

七廟而不出

記天子七廟三昭三穆與太祖之廟而七

拜三妃而臨軒

三妃龔孔

張也老臣宿將

將即亮翻

弃之草莽諂佞讒邪升之朝廷今疆

場日感

場音亦

隋軍壓境陛下如不改弦易張

董仲舒曰譬之琴瑟

不調必改而更張之乃可鼓也

臣見麋鹿復遊於姑蘇矣

伍子胥諫吳王而不聽曰

臣見麋鹿遊於姑蘇矣吳卒以亡復扶又翻

帝大怒即日斬之

古語有之殺諫臣者必亡

其國豈不信哉

二年春正月辛巳立皇子恮為東陽王

恮莊綠翻

恬為錢塘

王遣散騎常侍袁雅等聘于隋

散悉亶翻
騎奇寄翻

又遣散騎

常侍九江周羅暉將兵屯峽口侵隋峽州

九江郡江南之尋陽郡江

州治所也夷陵梁置宜州西魏改曰拓州後周改曰峽州將即亮翻

三月甲戌隋遣兼散

騎常侍程尚賢等來聘戊寅隋主下詔曰陳叔寶據手

掌之地

辛臣說田戎曰洛陽地如掌耳

恣溪壑之欲

溪壑難盈故以為喻

劫奪閭

閭資產俱竭驅逼內外勞役弗已窮奢極侈俾晝作夜

斬直言之客滅無罪之家欺天造惡祭鬼求恩盛粉黛

而執干戈曳羅綺而呼警蹕自古昏亂罕或能比君子

潛逃小人得志天災地孽

孽魚列翻

物怪人妖衣冠鉗口

鉗其

廉翻

道路以目

國語周厲王監謗道路以目言道路相逢以目相視不敢有言

重以背德

違言搖蕩疆場

重直用翻背蒲妹翻場音亦

晝伏夜遊鼠竊狗盜天

之所覆無非朕臣

覆敷救翻

每關聽覽有懷傷惻可出師授

律應機誅殄在期一舉永清吳越又送璽書暴帝二十

惡

墨斯氏翻

仍散寫詔書三十萬紙遍諭江外

中原以江南為江外

太子胤性聰敏好文學

好呼到翻

然頗有過失詹事袁憲切

諫不聽時沈后無寵而近侍左右數於東宮往來太子

亦數使人至后所帝疑其怨望甚惡之

數所角翻
惡烏路翻

張孔

二貴妃日夜構成后及太子之短孔範之徒又於外助

之帝欲立張貴妃子始安王深為嗣嘗從容言之

嗣祥
吏翻

從千
容翻

吏部尚書蔡徵順旨稱贊袁憲厲色折之曰皇太

子國家儲副億兆宅心卿是何人輕言廢立帝卒從徵

議

折之舌翻宅心居
心也卒子恤翻

夏五月庚子廢太子胤為吳興王

立揚州刺史始安王深為太子徵景歷之子也

蔡景歷
歷事陳

高祖世
祖高宗

深亦聰惠

惠與
慧同

有志操

操七
到翻

容止儼然雖左右

近侍未嘗見其喜愠帝聞袁憲嘗諫角即用憲為尚書

僕射帝遇沈后素薄張貴妃專後宮之政后澹然未嘗

有所忌怨

澹徒敢翻

身居儉約衣服無錦繡之飾唯尋閱經

史及釋典為事

釋典佛經也

數上書諫爭

數所角翻上時掌翻爭側逆翻

帝

欲廢之而立張貴妃會國亡不果冬十月己亥立皇

子蕃為吳郡王

己未隋置淮南行省於壽春

行省即行臺也

以晉王廣為尚書令帝遣兼散騎常侍王琬兼通直散

騎常侍許善心聘于隋

散悉亶翻騎奇寄翻

隋人留於客館琬等

屢請還不聽

還音旋又如字為隋主褒美許善心張本

甲子隋以出師有事

於太廟命晉王廣秦王俊清河公楊素皆為行軍元帥

帥所類翻

廣出六合

六合本漢堂邑縣之地江左立秦郡及尉氏縣後周改秦郡為六合郡隋開皇

初廢郡改尉氏縣為六合縣

俊出襄陽

秦王俊以山南道行臺鎮襄陽今自襄陽出指漢口

素

出永安

素鎮永安自永安下三峡

荊州刺史劉仁恩出江陵

荊州治江陵使

劉仁恩出師會楊素東下

蘄州刺史王世積出蘄春

蘄州治蘄春使王世積出師自

蘄口臨江津蘄音機又音其

廬州總管韓擒虎出廬江

廬州治廬江使韓擒虎出

師自橫江渡攻姑孰

吳州總管賀若弼出廣陵

吳州治廣陵使賀若弼自瓜洲渡江

攻京口若人者翻

青州摠管弘農燕榮出東海

東海郡海州青州治益都此蓋

使燕榮以青州之師出胸山渡海以攻南沙也燕因肩翻

凡摠管九十兵五十一萬

八千皆受晉王節度東接滄海西距巴蜀旌旗舟楫橫

亘數千里以左僕射高顯為晉王元帥長史

帥所類翻長知兩翻

右僕射王韶為司馬軍中事皆取決焉區處支度

處昌呂翻

度徒洛翻

無所凝滯十一月丁卯隋主親餞將士乙亥至定

城

述征記定城去潼關三十里夾道各一城

陳師誓衆

丙子立皇弟叔榮

為新昌王叔匡為太原王 隋主如河東

河東蒲州

十二月

庚子還長安 突厥莫何可汗西擊鄰國中流矢而卒

厥九勿翻可從刊入聲汗音寒中竹仲翻卒子恤翻國人立雍虞閭號頡伽施多

那都藍可汗

為突厥復亂張本頡戶結翻伽求迎翻

隋軍臨江高潁謂

行臺吏部郎中薛道衡曰今茲大舉江東必可克乎道

衡曰克之嘗聞郭璞有言

郭璞晉人知數之士也

江東分王三百

年王于况翻復與中國合今此數將周一也

晉元帝南渡即王位於建康歲

在丁丑是年歲在戊申凡二百七十二年主上恭儉勤勞叔寶荒淫驕侈二

也國之安危在所委任彼以江摠為相唯事詩酒拔小

人施文慶委以政事蕭摩訶任蠻奴為大將皆一夫之

用耳三也

任蠻奴即任忠

我有道而大彼無德而小量其甲士

不過十萬

量音良

西自巫峽東至滄海分之則勢懸而力

弱聚之則守此而失彼四也席卷之勢事在不疑

卷讀曰捲

頗忻然曰得君言成敗之理令人豁然本以才學相期

不意籌略乃爾

爾猶言如此也

秦王俊督諸軍屯漢口為上流

節度詔以散騎常侍周羅暉都督巴峽緣江諸軍事以

拒之

散惡重翻騎奇寄翻

楊素引舟師下三峽軍至流頭灘將軍

戚昕以青龍百餘艘守狼尾灘地勢險峭隋人患之

水經

注江水過流頭灘又東逕古宜昌縣北又東逕狼尾灘其地猶在黃牛峽之西杜佑通典曰狼尾灘今夷陵郡

宜都縣界艘蘇遭翻峭七笑翻

素曰勝負大計在此一舉若晝日下船

彼見我虛實灘流迅激制不由人則吾失其便不如以

夜掩之素親帥黃龍數千艘銜枚而下遣開府儀同三

司王長襲引步卒自南岸擊昕別柵大將軍劉仁恩帥

甲騎自北岸趣白沙遲明而至擊之昕敗走悉俘其衆

勞而遣之

帥讀曰率下同艘蘇遭翻柵直革翻騎奇寄翻趣七喻翻遲直二翻勞力到翻

秋毫

不犯素帥水軍東下舟艦被江

艦音盧被皮義翻

旌甲曜日素

坐平乘大船容貌雄偉陳人望之皆懼曰清河公即江

神也江濱鎮戍聞隋軍將至相繼奏聞施文慶沈客卿

並抑而不言初上以蕭巖蕭瑊梁之宗室擁衆來奔心

忌之故遠散其衆以巖為東揚州刺史瑊為吳州刺史

瑊戶官翻蕭巖蕭瑊來奔及出藩事並見上年

使領軍任忠出守吳興郡以襟

帶二州

任音壬

使南平王嶷鎮江州永嘉王彥鎮南徐州

江州治尋陽南徐州治京口皆緣江重鎮也嶷魚力翻

尋召二王赴明年元會命

緣江諸防船艦悉從二王還都

艦戶 黠翻

為威勢以示梁人

之來者由是江中無一鬪船上流諸州兵皆阻楊素軍

不得至湘州刺史晉熙王叔文

湘州治長沙

在職既久大得

人和上以其據有上流陰忌之自度素與羣臣少恩

度徒

洛翻少詩沼翻

恐不為用無可任者乃擢施文慶為都督湘州

刺史配以精兵二千欲令西上

上時掌翻

仍徵叔文還朝

朝直

還翻下同

文慶深喜其事然懼出外之後執事者持已短長

因進其黨沈客卿以自代未發間二人共掌機密護軍

將軍樊毅言於僕射袁憲曰京口采石俱是要地各須

銳兵五千并出金翅二百緣江上下以為防備

金翅船名憲

及驃騎將軍蕭摩訶皆以為然

驃匹妙翻騎奇寄翻

乃與文武羣

臣共議請如毅策

未幾韓擒虎濟采石賀若弼拔京口二道並進而陳以亡地有所必守蓋

不待智者而後知也

施文慶恐無兵從已廢其述職

孟子曰諸侯朝於天子曰

述職此以出守藩方為述職

而客卿又利文慶之任

之往也任職也之任往赴所職

也

已得專權

文慶與客卿時共掌機密文慶若出則客卿得專之

俱言於朝必有

論議不假面陳但作文啟即為通奏

謂朝臣若必有所陳說不須面見陳

主言之但文字來便為聞
達為于偽翻下內為同

憲等以為然二人齎啟入白

帝曰此是常事邊城將帥足以當之

將即亮翻
帥所類翻

若出人

船必恐驚擾及隋軍臨江間諜驟至

間古覓翻
諜徒協翻

憲等殷

勤奏請至于再三文慶曰元會將逼南郊之日太子多

從

陳仍梁制以間歲正月上辛祀天地於南北二郊用
特牛一蓋來年正月當行此禮故施文慶云然從才

用翻

今若出兵事便廢闕帝曰今且出兵若北邊無事因

以水軍從郊何為不可又曰如此則聲聞鄰境

聞音問

便

謂國弱後又以貨動江摠摠內為之遊說

謂眾言雜進
之後文慶又

以貨動江總使之助已說輸渴翻

帝重違其意

重如字

而迫羣官之請乃

令付外詳議摠又抑憲等由是議久不決帝從容謂侍

臣曰王氣在此齊兵三來周師再來無不摧敗

齊師三來謂梁

敬帝紹泰元年徐嗣徽任約以齊師襲建康據石頭太平元年復襲破采石與齊蕭軌同入寇逼建康世祖天嘉元年齊將劉伯球慕容恃德助王琳下蕪湖皆敗周師再來謂天嘉元年獨狐威賀若敦入湘川臨海王光大元年宇文直元定助華皎皆敗從千容翻彼何為者邪都官尚書孔範曰

長江天塹古以為限隔南北

魏文帝伐吳臨江見江濤洶湧歎曰固天所以限南

北也塹七艷翻

今日虜軍豈能飛度邪邊將欲作功勞妄言事

急將即亮翻

臣每患官卑虜若度江臣定作太尉公矣

孔範自謂

兼資文武故大言自詭立功自晉宋以來率謂三公為太尉司徒司空公

或妄言北軍馬

死範曰此是我馬何為而死

言馬若度江必不能北歸將悉為我有亦大言也

帝笑以為然故不為深備奏伎縱酒賦詩不輟

伎渠綺翻女樂

也

是歲吐谷渾禪王拓跋木彌

吐谷渾自亦有拓跋姓禪音卑吐從嗽入

聲谷音浴

請以千餘家降隋

降戶江翻

隋主曰普天之下皆是朕

臣朕之撫育俱存仁孝渾賊悖狂妻子懷怖

怖普故翻

並思

歸化自救危亡然叛夫背父不可收納

背蒲妹翻

又其本意

正自避死今若違拒又復不仁若更有音信但宜慰撫任其自拔不須出兵應接其妹夫及甥欲來亦任其意不勞勸誘也

所謂叛夫背父妹夫及甥當時必皆有主名而史不詳紀隋書作名王拓跋木彌裨

王亦用漢書語背蒲妹翻誘羊久翻

河南王移茲裒卒隋主令其弟樹

歸襲統其衆

移茲裒降隋見上卷高宗太建十三年裒蒲侯翻卒子恤翻

資治通鑑卷一百七十六

欽定四庫全書

資治通鑑卷一百七十七 宋 司馬光 撰

胡三省 音注

隋紀一

起屠維作噩盡重光大淵獻凡三年 隋即春秋隨國為楚所滅以為縣秦漢屬南陽郡

晉屬義陽郡後分置隨郡梁曰隨州後入西魏楊忠從周太祖以功封隨國公子堅襲爵受周禪遂以隨為國號又以周齊不遑寧處去之作隋以之訓走故也之音綽

高祖文皇帝上之上

諱堅姓楊氏隋書云弘農郡華陰人也漢太尉震八代孫

鉉生子元壽後魏時為武川鎮司馬子孫因家焉元壽玄孫忠從周太祖起義闢西寔生帝自

陳宣帝太建十三年至開皇九年隋有西北八年矣以通鑑紀年於此九年為隋紀年之始故

書上

之上

開皇九年

帝以陳高宗太建十三年受周禪至是年平陳混一天下通鑑紀事乃以開皇繫年春

正月乙丑朔陳主朝會羣臣大霧四塞

朝直遙翻塞悉則翻

入人

鼻皆辛酸陳主昏睡至晡時乃寤

日加申為晡晡奔謨翻

是日賀

若弼自廣陵引兵濟江

若人者翻

先是弼以老馬多買陳船

而匿之買弊船五六十艘置於瀆內

先悉薦翻艘蘇漕翻水注澮曰瀆

陳人覘之以為內國無船

覘丑廉翻又丑艷翻內國即中國隋避諱改曰內

弼

又請緣江防人每交代之際必集廣陵於是大列旗幟

營幕被野

幟昌志翻被皮義翻

陳人以為隋兵大至急發兵為備

既知防人交代其衆復散後以為常不復設備

復扶又翻

使兵緣江時獵人馬喧譟故弼之濟江陳人不覺韓擒

虎將五百人自橫江宵濟采石

橫江浦在和州界采石磯在今太平州北三十

里對岸津渡處將即亮翻下將兵同

守者皆醉遂克之

德祐甲戌十有二月沙武口之事亦

此猶晉王廣帥大軍屯六合鎮桃葉山

隋志江都郡六合縣舊曰尉氏置秦

郡後齊置秦州後周改州曰方州改郡曰六合開皇初郡廢四年改尉氏曰六合張舜民曰桃葉山即今瓜步

鎮之地帥
讀曰率

丙寅采石戍主徐子建馳啟告變丁卯召公

卿入議軍旅戊辰陳主下詔曰犬羊陵縱侵竊郊畿蜂

蠆有毒宜時掃定

蠆丑
蓋翻

朕當親御六師廓清八表內外

並可戒嚴以驃騎將軍蕭摩訶護軍將軍樊毅中領軍

曾廣達並為都督

驃匹妙翻
騎奇寄翻

司空司馬消難湘州刺史

施文慶並為大監軍

去年冬陳主擢施文慶督湘州未
及之鎮而隋兵渡江難乃旦翻監

工衛
翻

遣南豫州刺史樊猛帥舟師出白下

陳南豫州治
宣城時徙鎮

姑孰白下城合白石疊唐武德移
江寧縣於此名白下縣帥讀曰率

散騎常侍臯文奏將

兵鎮南豫州重立賞格僧尼道士盡令執役

尼女
夷翻

庚午

賀若弼攻拔京口執南徐州刺史黃恪

南徐州
治京口

弼軍令

嚴肅秋毫不犯有軍士於民間酤酒者弼立斬之所俘

獲六千餘人弼皆釋之給糧勞遣

勞力
到翻

付以敕書令分

道宣諭

令力
丁翻

于是所至風靡樊猛在建康其子巡攝行

南豫州事辛未韓擒虎進攻姑孰半日拔之執巡及其

家口

今太平州當塗縣南二里有姑孰
溪西入大江蓋因舊鎮而得名

臯文奏敗還江

南父老素聞擒虎威信來謁軍門者晝夜不絕曾廣達

之子世貞在新蔡與其弟世雄及所部降於擒虎

侯景之亂

曾悉達糾合鄉人以保新蔡營氏遂世襲以事陳新蔡注見一百五十四卷梁世祖承聖元年降戶江翻遣

使致書招廣達

使疏吏翻

廣達時屯建康自劾詣廷尉請罪

効戶梁翻又戶得翻

陳主慰勞之加賜黃金遣還營

勞力到翻

樊猛與

左衛將軍蔣元遜將青龍八十艘於白下遊奕以禦六

合兵陳主以猛妻子在隋軍懼有異志欲使鎮東大將

軍任忠代之

任音壬

令蕭摩訶徐諭猛猛不悅陳主重傷

其意而止

重如字難也

于是賀若弼自北道韓擒虎自南道

並進

京口於建康為北姑孰於建康為南

緣江諸戍望風盡走弼分兵斷

曲阿之衝而入

曲阿本雲陽秦時人言其地有天子氣始皇鑿北坑以敗其勢截直道使阿曲

改曰曲阿其地在武進丹徒二縣之間弼分兵斷其衝恐三吳之兵入救建康掎其後也斷音短

陳主

命司徒豫章王叔英屯朝堂蕭摩訶屯樂遊苑

朝直遙翻樂音

洛

樊毅屯耆闍寺

闍視遮翻

魯廣達屯白土岡忠武將軍孔

範屯寶田寺

忠武將軍梁置班十九陳擬官品第四秩中二千石位次四平將軍

已卯任

忠自吳興入赴

去年使任忠出守吳興

仍屯朱雀門

晉孝武帝建朱雀門上有

兩銅雀前直大航謂之朱雀航

辛未賀若弼進據鍾山

鍾山在今上元縣東北十八里

輿地志古曰金陵山縣名因此又名蔣山漢末秣陵尉蔣子文討賊死此山下孫氏都秣陵以其祖諱鍾因改

名蔣山 頓白土岡之東晉王廣遣摠管杜彥與韓擒虎合

軍步騎二萬屯于新林

新林浦去今建康城二十里西直白鷺洲

蘄州摠管

王世積以舟師出九江

蘄音機又音其王世積闡熙新閩人按班志廬江郡尋陽縣禹

貢九江皆在南東合為大江應劭曰江自廬江尋陽分為九漢之尋陽縣在今蘄州界王世積以舟師自蘄水出大江圍破陣將紀瑱於蘄口

蘄水入江之口將即亮翻下同瑱他殿翻又音

鎮陳人大駭降者相繼

降戶江翻

晉王廣上狀

上時掌翻

帝大悅

宴賜羣臣時建康甲士尚十餘萬人陳主素怯懦不達

軍士

懦乃卧翻又奴亂翻士讀曰事

唯日夜啼泣臺內處分一以委施

文慶

處昌呂翻分扶問翻

文慶既知諸將疾已恐其有功乃奏曰

此輩怏怏

怏於兩翻

素不伏官迫此事機那可專信由是諸

將凡有啟請率皆不行賀若弼之攻京口也蕭摩訶請

將兵逆戰陳主不許及弼至鍾山摩訶又曰弼懸軍深

入壘塹未堅

塹七艷翻

出兵掩襲可以必克又不許陳主召

摩訶任忠於內殿議軍事忠曰兵法客貴速戰主貴持

重今國家足兵足食宜固守臺城緣淮立柵北軍雖來勿

與交戰分兵斷江路

斷丁管翻下同

無令彼信得通給臣精兵

一萬金翅三百艘下江徑掩六合彼大軍必謂其度江

將士已被俘獲自然挫氣

被皮義翻

淮南土人與臣舊相知

悉今聞臣往必皆景從

師古曰景從言如景之從形也

臣復揚聲欲往

徐州斷彼歸路則諸軍不擊自去

徐州彭汴之路也復扶又翻斷丁管翻

待春水既漲上江周羅暉等衆軍必沿流赴援

周羅暉時督水

軍在鄧漢

此良策也陳主不能從明日歛然曰

歛許勿翻

兵久不

決令人腹煩可呼蕭郎一出擊之任忠叩頭苦請勿戰

孔範又奏請作一決當為官勒石燕然

孔範以竇憲破匈奴事自詭姦

諂之誤國亡家如此為于偽翻下同燕於賢翻

陳主從之謂摩訶曰公可為我

一決摩訶曰從來行陳

行戶剛翻陳讀曰陣

為國為身今日之事

兼為妻子陳主多出金帛賦諸軍以充賞

賦給與也分畀也

甲

申使魯廣達陳於白土岡

陳讀曰陣下同

居諸軍之南任忠次

之樊毅孔範又次之蕭摩訶軍最在北諸軍南北亘二

十里首尾進退不相知賀若弼將輕騎登山望見衆軍

因馳下與所部七摠管楊牙員明等

將即亮翻騎奇寄翻下同員音運姓

也

甲士凡八千勒陳以待之陳主通於蕭摩訶之妻故摩訶初無戰意唯魯廣達以其徒力戰與弼相當隋師退走者數四弼麾下死者二百七十三人弼縱烟以自

隱窘而復振

窟渠隕翻復扶又翻下同

陳兵得人頭皆走獻陳主求

賞弼知其驕情更引兵趣孔範

趣七喻翻又讀曰趨

範兵暫交即

走陳諸軍顧之騎卒亂潰不可復止死者五千人員明

擒蕭摩訶送於弼弼命牽斬之摩訶顏色自若弼乃釋

而禮之任忠馳入臺見陳主言敗狀曰官好住

好宜也住止也

今南人猶有是言

臣無所用力矣陳主與之金兩滕

滕徒登翻以繩約物

曰滕

使募人出戰忠曰陛下唯當具舟楫就上流衆軍

謂往

就周羅暉等

臣以死奉衛陳主信之敕忠出部分

分扶問翻

令宮

人裝束以待之怪其久不至時韓擒虎自新林進軍忠

已帥數騎迎降於石子岡

帥讀曰率降戶江翻下同

領軍蔡徵守朱

雀航聞擒虎將至衆懼而潰忠引擒虎軍直入朱雀門

陳人欲戰忠揮之曰老夫尚降諸軍何事

軍或作君

衆皆散

走于是城內文武百司皆遁唯尚書僕射袁憲在殿中

尚書令江總等數人居省中陳主謂袁憲曰我從來接

遇卿不勝餘人今日但以追愧

此猶劉禪之於郤正也

非唯朕無

德亦是江東衣冠道盡陳主遑遽將避匿憲正色曰北

兵之入必無所犯大事如此陛下去欲安之臣願陛下

正衣冠御正殿依梁武帝見侯景故事

事見一百六十二卷梁武帝太

清三年

陳主不從下榻馳去曰鋒刃之下未可交當吾自

有計從宮人十餘出後堂景陽殿將自投于井憲苦諫

不從後閣舍人夏侯公韻以身蔽井

夏戶雅翻

陳主與爭久

之乃得入既而軍人窺井呼之不應欲下石乃聞呌聲以繩引之驚其太重及出乃與張貴妃孔貴嬪同束而上祝穆曰景陽井在法寶寺或云白蓮閣下有小池面方丈餘或云在保寧寺覽輝亭側舊傳云欄有石脉以帛拭之作胭脂痕一名胭脂井又名辱井梁制有殿中舍人守舍人陳制殿中舍人為三品薤位守舍人為三品勲位在九品之外後閣舍人蓋殿中舍人之守後閣者沈后居處如常處昌呂翻太

子深年十五閉閣而坐舍人孔伯魚侍側

此太子舍人也梁制太子

中舍人四人掌其坊之禁令舍人十六人掌文記中舍人八班舍人三班陳制中舍人六百石舍人亦如之

軍士叩閣而入深安坐勞之曰

勞力到翻

戎旅在塗不至勞

也軍士咸致敬焉時陳人宗室王侯在建康者百餘人

陳主恐其為變皆召入令屯朝堂使豫章王叔英總督

之又陰為之備及臺城失守相帥出降

朝直遙翻下同
守式又翻帥讀

日率降
戶江翻

賀若弼乘勝至樂遊苑

樂音洛

魯廣達猶督餘兵

苦戰不息所殺獲數百人會日暮乃解甲面臺再拜慟

哭謂衆曰我身不能救國負辜深矣士卒皆流涕歔

歔音虛歔音
希又許既翻

遂就擒諸門衛皆走弼夜燒北掖門入聞

韓擒虎已得陳叔寶呼視之叔寶惶懼流汗股栗向弼

再拜弼謂之曰小國之君當大國之卿拜乃禮也入朝

不失作歸命侯

朝直還翻孫皓降晉封歸命侯

無勞恐懼既而恥功在

韓擒虎後與擒虎相詢挺刃而出

詢苦侯翻罵也挺拔也

欲令蔡

徵為叔寶作降箋命乘驪車歸已

驪盧也

事不果弼置叔

寶於德教殿以兵衛守高頴先入建康頴子德弘為晉

王廣記室

頴居永翻隋制諸王記室參軍在錄事功曹之下

廣使德弘馳詣頴

所令留張麗華頴曰昔太公蒙面以斬妲已

妲已蘇氏美女商

紂嬖之武王勝殷殺紂并殺妲已妲已當割翻已音紀

今豈可留麗華乃斬之於青

溪德弘還報廣變色曰昔人云無德不報

詩大雅抑之詞

我必

有以報高公矣由是恨頽

使高頽留麗華而廣納之文帝必怒安得成他日奪嫡之

謀是誠宜德之也顧恨之邪史為廣殺頽張本

丙戌晉王廣入建康以施文慶

受委不忠曲為諂佞以蔽耳目沈客卿重賦厚斂以悅

其上與太市令陽慧朗刑法監徐析尚書都令史暨慧

皆為民害斬於石闕下以謝三吳

斂力贍翻暨戰乙翻陽慧朗一作惠朗暨

慧之下逸景字

使高頽與元帥府記室裴矩

帥所類翻

收圖籍封府

庫資財一無所取天下皆稱廣以為賢矩讓之之弟子

也裴讓之見一百五十八卷梁武帝大同四年

廣以賀若弼先期決戰違軍

令收以屬吏

先悉薦翻屬之欲翻

上驛召之詔廣曰平定江表弼

與韓擒虎之力也賜物萬段又賜弼與擒虎詔美其功

開府儀同三司王頒僧辯之子夜發陳高祖陵焚骨取

灰投水而飲之

報讐也陳高祖殺僧辯事見一百六十六卷梁敬帝紹泰元年

既而自

縛歸臯於晉王廣廣以聞上命赦之詔陳高祖世祖高

宗陵摠給五戶分守之上遣使以陳亡告許善心

使疏吏翻

善心衰服號哭於西階之下藉草東向坐三日

去年陳遣善心

來聘留於客館不遣還事見上卷西階賓階也衰服藉草喪禮也衰吐雷翻號戶刀翻藉慈夜翻

敕書

唁馬

唁魚戰翻
弔生曰唁

明日有詔就館拜通直散騎常侍

散悉
童翻

騎奇
寄翻

賜衣一襲

衣單複
具曰襲

善心哭盡哀入房改服

改衰服
服賜服

復出北面立

復扶
又翻

垂泣再拜受詔明日乃朝

朝直
遙翻

伏泣

於殿下悲不能興上顧左右曰我平陳國唯獲此人既

能懷其舊君即我之誠臣也敕以本官直門下省

通直
散騎

常侍屬門下省今敕善心以本官直門下省何也按唐六典晉始有門下省散騎常侍雖隸門下別為一省潘岳云寓直散騎之省是也此隋所以命陳水軍都督周許善心以通直散騎常侍直門下省歟

陳水軍都督周

羅暉與郢州刺史荀法尚守江夏

江夏陳郢州治所夏戶雅翻

秦王

俊督三十摠管水陸十餘萬屯漢口不得進

漢水入江之口即沔

也口相持踰月陳荊州刺史陳慧紀遣南康內史呂忠肅

屯岐亭

按楊素傳忠肅屯岐亭正據江峽則岐亭在西陵峽口也

肅今從

據巫峽

按水經江水出巫峽過秭歸夷陵逕流頭狼尾灘而後東逕西陵峽去年冬楊

素破賊旂其舟師已過狼尾而東呂忠肅所據者蓋西陵峽也當從楊素傳作江峽為通

於北岸鑿

巖綴鐵鎖三條

考異曰南史作五條今從隋書

橫截上流以遏隋船

忠肅竭其私財以充軍用楊素劉仁恩奮兵擊之四十

餘戰忠肅守險力爭隋兵死者五千餘人陳人盡取其

鼻以求功賞既而隋師屢捷獲陳之士卒三縱之忠肅

棄柵而遁素徐去其鎖

去羌呂翻

忠肅復據荆門之延洲素

遣巴蜚千人

蜚亦蠻也居巴中老曰巴蜚此水蜚之習於用舟者也蜚徒旱翻

乘五牙

四艘以拍竿碎其十餘艦

艘蘇遭翻艦戶黯翻

遂大破之俘甲士

二千餘人忠肅僅以身免陳信州刺史顧覺屯安蜀城

棄城走

梁置信州於巴東西魏取之其地時屬隋故陳信州刺史屯於安蜀城

陳慧紀屯

公安

公安陳荆州治所

悉燒其儲蓄引兵東下於是巴陵以東

無復城守者陳慧紀帥將士三萬人樓船千餘艘沿江

而下

復扶又翻帥讀曰率下同將即亮翻下同

欲入援建康為秦王俊所拒

不得前是時陳晉熙王叔文罷湘州還至巴州慧紀推

叔文為盟主

巴州治巴陵

而叔文已帥巴州刺史畢寶等致

書請降於俊俊遣使迎勞之

帥讀曰率降戶江翻使疏吏翻下同勞力到翻

會

建康平晉王廣命陳叔寶手書招上江諸將使樊毅詣

周羅暉陳慧紀子正業詣慧紀諭指時諸城皆解甲羅

暉乃與諸將大臨三日

將即亮翻臨力浸翻

放兵散然後詣俊降

陳慧紀亦降上江皆平楊素下至漢口與俊會王世積

在蘄口聞陳已亡告諭江南諸郡於是江州司馬黃偁

棄城走

蘄音機又音其偁音思

豫章諸郡太守皆詣世積降

守式又翻

癸巳詔遣使者巡撫陳州郡二月乙未廢淮南行臺省

晉王廣於時將凱還也

蘇威奏請五百家置鄉正使治民間辭

訟

治直之翻下同

李德林以為本廢鄉官判事為其里閭親識

剖斷不平

為其于偽翻斷丁亂翻

今令鄉正專治五百家恐為害

更甚且要荒小縣有不至五百家者

令力丁翻要一遙翻

豈可使

兩縣共管一鄉帝不聽丙申制五百家為鄉置鄉正一

人百家為里置里長一人

長知兩翻

陳吳州刺史蕭璫能

得物情陳亡吳人推璫為主

璫戶官翻

右衛大將軍武川字

文述帥行軍摠管元契張默言等討之落叢公燕榮以

舟師自東海至

隋書宇文述代郡武川人地理志馬邑郡善陽縣大業初置代郡順政郡鳴水

縣西魏置落叢縣及落叢郡順政西魏之興州也東海郡海州燕榮舟師自海道入湖可至吳州陳置吳州於

吳郡燕陳永新侯陳君範自晉陵犇璫

沈約志永新縣吳立屬安成太

因肩翻守隋廢安成郡為安復縣晉陵與吳接壤

并軍拒述述軍且至璫立柵於晉

陵城東留兵拒述遣其將王褒守吳州自義興入太湖

欲掩述後述進破其柵迴兵擊璫大破之

柵測革翻將即亮翻

又

遣兵別道襲吳州王褒衣道士服棄城走

衣於既翻

璫以餘

衆保包山

包山在太湖中其地西北距吳縣百二十里又名洞庭山四面皆水地占三鄉環四十里

土宜橘柚

燕榮擊破之璫將左右數人匿民家為人所執述

進至奉公埭

燕因肩翻將音如字領也攜也埭徒蓋翻

陳東揚州刺史蕭巖

以會稽降與璫皆送長安斬之

以巖等驅江陵士女降陳也事見上卷陳長城

公頌明元年

楊素之下荆門也遣別將龐暉將兵略地南至

湘州城中將士莫有固志

將即亮翻下同

刺史岳陽王叔慎年

十八置酒會文武僚吏酒酣叔慎歎曰君臣之義盡於

此乎

按陳湘州刺史陳叔文既去鎮施文慶寔代之阻隋兵不及至湘州必有守之者但未知叔慎何時

所命

長史謝基伏而流涕湘州助防遂興侯正理在坐

遂興縣侯也沈約志廬陵郡有遂興縣吳立曰新興晉武帝太康元年更名長知兩翻坐徂卧翻

乃起

曰主辱臣死諸君獨非陳國之臣乎今天下有難

難乃旦翻

寔致命之秋也縱其無成猶見臣節青門之外有死不

能

召平秦時東陵侯秦亡為民種瓜青門外正理自謂陳亡之後不能編於民伍以求活

今日之

機不可猶豫後應者斬衆咸許諾乃刑牲結盟仍遣人

詐奉降書於龐暉

降戶江翻

暉信之尅期入城叔慎伏甲待

之暉至執之以徇并其衆皆斬之叔慎坐于射堂招合

士衆數日之中得五千人衡陽太守樊通武州刺史鄔

居業皆請舉兵助之

隋志長沙郡衡山縣舊置衡陽郡武陵郡舊置武州鄔姓其先仕晉

為鄔大夫子孫因以為氏鄔烏古翻守式又翻

隋所除湘州刺史薛胄將兵適

至與行軍總管劉仁恩共擊之叔慎遣其將陳正理與

樊通拒戰

將即亮翻

兵敗胄乘勝入城擒叔慎仁恩破鄔居

業於橫橋亦擒之俱送秦王俊斬於漢口 嶺南未有

所附數郡共奉高涼郡太夫人洗氏為主

高涼縣置高涼郡洗音銑

又音線號聖母保境拒守詔遣柱國韋洗等安撫嶺外陳

豫章太守徐璿據南康拒之

徐璿自豫章退保南康南康郡治贛縣洗古黃翻守

式又翻璿都滕翻

洗等不得進晉王廣遣陳叔寶遺夫人書

遺于

季翻諭以國亡使之歸隋夫人集首領數千人盡日慟哭

遣其孫馮魂帥衆迎洗

洗氏嫁馮融見一百六十三卷梁簡文帝大寶元年帥讀曰率

洗擊斬徐璿入至廣州說諭嶺南諸州皆定

說式芮翻考異曰

隋帝紀十年八月壬申遣洸等巡撫嶺南百越皆服按陳以九年正月亡至來年八月并閏計之二十一月豈有洸氏猶不知者洸氏傳又云晉王遣陳主遺夫人書則事在九年三月前也帝紀所云蓋謂百越已服奏到朝廷之日也

表馮魂為儀同三司冊洸氏為宋康郡夫人

宋文

帝元嘉九年分高涼立宋康郡隋志高涼郡杜原縣舊有永寧宋康二郡

洸夔之子也

韋夔見一

百六十七卷陳高祖永定三年夔休正翻

衡州司馬任瓌勸都督王勇據嶺

南

隋志梁置衡州於廣州含洄縣任音壬瓌古回翻

求陳氏子孫立以為帝勇

不能用以所部來降

降戶江翻

瓌棄官去瓌忠之弟子也

任瓌

志趣如此宜其能自表見於唐元也蕭摩訶兒豚犬耳

於是陳國皆平

陳高祖受梁禪歲在丁丑

至是而亡凡五
主三十三年

得州三十郡一百縣四百

按隋志陳境當時有揚東

揚南徐吳閩豐湘巴武江郢廣東衡衡高羅新隴
建城桂東寧靜南定越南合崖安交愛凡三十州

詔建

康城邑宮室並平蕩耕墾更於石頭置蔣州

以蔣山名州也

晉

王廣班師留王韶鎮石頭委以後事三月己巳陳叔寶

與其王公百司發建康詣長安大小在路五百里累累

不絕帝命權分長安士民宅以俟之内外修整遣使迎

勞陳人至者如歸

使疏吏翻勞力到翻下同

夏四月辛亥帝幸驪山

驪山在新豐縣

親勞旋師乙巳諸軍凱入

奏凱樂而人也

獻俘于太廟

陳叔寶及諸王侯將相并乘輿服御天文圖籍等以次

行列

將即亮翻相息亮翻乘繩證翻下同行戶剛翻

仍以鐵騎圍之

騎奇寄翻

從晉

王廣秦王俊入列于殿庭拜廣為太尉賜輅車乘馬袞

冕之服玄圭白璧丙辰帝坐廣陽門觀

廣陽門之觀闕也觀古玩翻

引陳叔寶於前及太子諸王二十八人司空司馬消難

以下至尚書郎凡二百餘人

難乃旦翻

帝使納言宣詔勞之

勞力到翻

次使內史令宣詔責以君臣不能相輔乃至滅亡

叔寶及其羣臣並愧懼伏地屏息不能對

屏必郢翻

既而宥

之初武元帝迎司馬消難

見一百六十七卷陳永定二年皇考忠謚武元帝

與

消難結為兄弟情好甚篤

好呼到翻

帝每以叔父禮事之及

平陳消難至特免死配為樂戶二旬而免猶以舊恩引

見尋卒於家

見賢遍翻卒子恤翻

庚戌帝御廣陽門

廣陽門大興宮城正南門

也唐六典曰隋曰廣陽門開皇二年作仁壽元年改曰昭陽門唐武德元年改曰順天門神龍元年改承天門

宴將士自門外夾道列布帛之積

將即亮翻積子賜翻凡指所聚之物曰積

則去聲取物而積疊之則入聲

達于南郭班賜各有差凡用三百餘萬

段故陳之境内給復十年

復方目翻

餘州免其租賦樂安公

元諧進曰陛下威德遠被

被皮義翻

臣前請以突厥可汗為

候正

厥九勿翻可從刊入聲汗音寒

陳叔寶為令史今可用臣言矣帝

曰朕平陳國本以除逆非欲誇誕公之所奏殊非朕心

突厥不知山川何能警候叔寶昏醉寧堪驅使諧默然

而退辛酉進楊素爵為越公

按隋書楊素自清河郡公進封郢國公素言逆人王

誼前封於郢不願與之同改封越公

以其子玄感為儀同三司玄獎為清

河郡公賜物萬段粟萬石命賀若弼登御坐

坐徂卧翻

賜物

八千段加位上柱國進爵宋公仍各加賜金寶及陳叔

寶妹為妾賀若弼韓擒虎爭功於帝前弼曰臣在蔣山

死戰破其銳卒擒其驍將

驍堅亮翻將即亮翻下同

震揚威武遂平

陳國韓擒虎畧不交陳

陳讀曰陣

豈臣之比擒虎曰本奉明

旨令臣與弼同時合勢以取偽都弼乃敢先期

先悉薦翻逢

賊遂戰致令將士傷死甚多臣以輕騎五百兵不血刃

直取金陵降任蠻奴

騎奇寄翻降戶江翻任音壬

執陳叔寶據其府

庫傾其巢穴弼至夕方扣北掖門臣啟關而納之斯乃

救罪不暇安得與臣相比帝曰二將俱為上勲於是進

擒虎位上柱國賜物八千段有司劾擒虎放縱士卒淫

汙陳宮

劾戶繁翻又戶得翻汙烏路翻

坐此不加爵邑加高顙上柱國

進爵齊公

顙居迴翻顙自勃海郡公進爵齊國公

賜物九千段帝勞之曰

公伐陳後人言公反朕已斬之君臣道合非青蠅所能

間也

勞力到翻青蠅以諭讒言間古覓翻

帝從容命顙與賀若弼論平陳

事

從千容翻

顙曰賀若弼先獻十策後於蔣山苦戰破賊臣

文吏耳焉敢與大將論功

焉於虔翻將即亮翻

帝大笑嘉其有讓

帝之伐陳也使高顙問方略於上儀同三司李德林以

授晉王廣至是帝賞其功授柱國封郡公賞物三千段

已宣勅訖或說高潁曰今歸功於李德林諸將必當憤

惋

說輸為翻
惋烏貫翻

且後世觀公有若虛行潁入言之乃止以

秦王俊為揚州總管四十四州諸軍事鎮廣陵晉王廣

還并州晉王廣之戮陳五佞也

五佞謂施文慶沈客卿
陽慧朗徐析暨慧景

未知都官尚書孔範散騎常侍王瑳王儀御史中丞沈

瓘之罪故得免及至長安事並露乙未帝暴其過惡投

之邊裔以謝吳越之人瑳刻薄貪鄙忌害才能儀傾巧

側媚獻二女以求親昵

散悉童翻騎奇寄翻
璫倉何翻昵尼質翻

璫險慘奇

酷發言邪諂故同臯馬帝給賜陳叔寶甚厚數得引見

班同三品每預宴恐致傷心為不奏吳音

數所角翻見
賢遍翻為于

偽後監守者奏言叔寶云既無秩位每預朝集願得一

官號帝曰叔寶全無心肝監者又言叔寶常醉

監古銜
翻朝直

遙罕有醒時帝問飲酒幾何對曰與其子弟日飲一石

帝大驚使節其酒既而曰任其性不爾何以過日

嗚呼
此陳

叔寶所以得
死於枕席也

帝以陳氏子弟既多恐其在京城為非乃

分置邊州給田業使為生歲時賜衣服以安全之詔以

陳尚書令江總為上開府儀同三司僕射袁憲驃騎蕭

摩訶領軍任忠皆為開府儀同三司

射黃謝翻驃匹妙翻騎奇寄翻任音

壬吏部尚書吳興姚察為祕書丞上嘉袁憲雅操下詔

以為江表稱首授昌州刺史

隋志春陵郡後魏置南荆州西魏改曰昌州聞

陳散騎常侍袁元友數直言於陳叔寶擢拜主爵侍郎

散悉重翻騎奇寄翻隋志

主爵侍郎屬吏部尚書

謂羣臣曰平陳之初我悔不

殺任蠻奴受人榮祿兼當重寄不能橫尸徇國乃云無

所用力與弘演納肝何其遠也

衛懿公與狄人戰于熒澤為狄人所殺弘演納

肝以狗之

帝見周羅睺慰諭之許以富貴羅睺垂泣對曰臣

荷陳氏厚遇

荷下可翻

本朝淪亡無節可紀

朝直遇翻下同

得免於

死陛下之賜也何富貴之敢望賀若弼謂羅睺曰聞公

郢漢捉兵

若人者翻捉把也

即知揚州可得王師利涉果如所

量

量音良

羅睺曰若得與公周旋勝負未可知

周羅睺何以得此於

賀若弼哉史家溢美耳

頃之拜上儀同三司先是陳將羊翔來降

先悉薦翻降戶江翻

伐陳之役使為鄉導

鄉讀曰嚮

位至上開府儀同

三司班在羅睺上韓擒虎於朝堂戲之曰不知機變乃

立在羊翔之下能無愧乎

朝直通翻

羅睺曰昔在江南久承

令問

令力定翻美也

謂公天下節士今日所言殊非所望擒虎

有愧色帝之責陳君臣也陳叔文獨欣然有得色

得色自得

其意而形於色

既而復上表自陳

復扶又翻

昔在巴州已先送款乞

知此情望異常例帝雖嫌其不忠而欲懷柔江表乃授

叔文開府儀同三司拜宜州刺史

宜州置於京兆華原縣

初陳散

騎常侍韋鼎聘于周

韋鼎傳陳太建中聘周散悉曾翻騎奇寄翻

遇帝而異

之謂帝曰公當大貴貴則天下一家歲一周天

歲星木星也十

二年一周天

老夫當委質於公

質如字

及至德之初

陳長城公即位改元

至德

鼎為太府卿盡賣田宅大匠卿毛彪問其故鼎曰江

東王氣盡於此矣

王于魂翻又音如字

吾與爾當葬長安及陳平

上召鼎為上儀同三司鼎叡之孫也

韋叡著功名於梁武帝之時

壬

戌詔曰今率土大同含生遂性太平之法方可流行凡

我臣民澡身浴德家家自修人人克念

書曰惟狂克念作聖

兵可

立威不可不戢刑可助化不可專行禁衛九重之餘

重直

龍翻

鎮守四方之外戎旅軍器皆宜停罷世路既夷羣方

無事武力之子俱可學經民間甲伏悉皆除毀頒告天

下咸悉此意賀若弼撰其所畫策上之

若人者翻撰士免翻述也上時

掌翻

謂為御授平陳七策帝弗省

省悉井翻視也

曰公欲發揚我

名我不求名公宜自載家傳

傳宜戀翻

弼位望隆重兄弟並

封郡公為刺史列將家之珍玩不可勝計

將即亮翻勝音升

婢

妾曳羅綺者數百

羅交眼綺細綾

時人榮之其後突厥來朝

厥九

勿翻朝直遥翻

上謂之曰汝聞江南有陳國天子乎對曰聞之

上命左右引突厥詣韓擒虎前曰此是執得陳國天子者擒虎厲色顧之突厥惶恐不敢仰視左衛將軍龐晃等短高頰於上上怒皆黜之

龐晃自結納於潛躍之辰與上情契甚密而與高頰

有隙與廣平王雄挾舊屢言頰之短故皆被黜頰居永翻

親禮逾密因謂頰曰獨孤

公猶鏡也每被磨瑩皎然益明初頰父賓為獨孤信僚

佐賜姓獨孤氏故上常呼獨孤而不名

按獨孤信之誅妻子徙蜀獨孤

后以賓父之故吏每往來其家頰之遭遇豈專以才略哉外得君而內蒙君母親禮也及夫外則見忌於君內則失愛於君母隨見疎弃君臣之際可無謹乎

樂安公元諧性豪俠有氣調

調徒
鈞翻

少與上同學甚相愛及即位累歷顯仕諧好排詆

不能取媚左右

少詩照翻
好呼到翻

與上柱國王誼善誼誅

王誼
誅見

一百七十六卷陳
長城公至德三年

上稍疎忌之或告諧與從父弟上開

府儀同三司滂臨澤侯田鸞

隋志毗陵郡義興縣舊
有臨澤縣從才用翻

上

儀同三司祈緒等謀反

祈姓出於黃帝黃帝子得姓者
十四人祈其一也又曰晉獻侯

四世孫曰奚食邑
於祈子孫以為氏

下有司案驗奏諧謀令祈緒勤党項

兵斷巴蜀

下遐嫁翻令力
丁翻斷音短

又諧嘗與滂同謁上諧私謂

滂曰我是主人殿上者賊也因令滂望氣滂曰彼雲似

蹲狗走鹿

尊翻

不如我輩有福德雲上大怒諧滂鸞緒

並伏誅

考異曰德林傳云德林以梁士彥元諧頻有逆意江南抗衡上國乃著天命論上之諧傳云

平陳後數歲人告諧謀反按諧請以叔寶為內史則陳亡時猶在楊雄方用事諧欲諧去之則雄未為司空故附於此按內史當依正文作令史按通鑑正文亦書元諧言請以陳叔寶為令史按內史隋之要官元諧安敢請以陳叔寶為是官邪

閏月己卯以吏部尚書蘇威為右僕射

射寅

謝翻

六月乙丑以荊州總管楊素為納言朝野皆稱封

禪

朝直通翻下同稱當作請又切請稱舉也言朝野舉封禪事為言也

秋七月丙午詔曰

豈可命一將軍除一小國遐邇注意便謂太平以薄德

而封名山用虛言而干上帝非朕攸聞而今而後言及

封禪宜即禁絕 左衛大將軍廣平王雄貴寵特盛與

高潁虞慶則蘇威稱為四貴雄寬容下士

下遐嫁翻

朝野傾

屬

屬之欲翻

上惡其得衆

惡烏路翻

陰忌之不欲其典兵馬八月

壬戌以雄為司空實奪之權雄既無職務乃杜門不通

賓客

雄以是能保其身於猜忌之朝

帝踐阼之初杜國沛公鄭譯請

修正雅樂詔太常卿牛弘國子祭酒辛彥之博士何妥

等議之積年不決

妥他果翻

譯言古樂十二律旋相為宮各用

七聲世莫能通譯因龜茲人蘇祇婆善琵琶始得其法
推演為十二均八十四調以校太樂所奏例皆乖越譯

又於七音之外更立一聲謂之應聲作書宣示朝廷

隋志

譯云考尋樂府鍾石律呂皆有宮商角徵羽變宮變徵
之名七聲之內三聲乖應每恒求訪終莫能通先是周
武帝時有龜茲人蘇祇婆從突厥皇后入國善胡琵琶
聽其所奏一均之中間有七聲因而問之調有七種以
其七調勘校七聲冥若合符一曰婆陁力華言平聲即
宮聲也二曰雞識華言長聲即南呂聲也三曰沙識華
言質直聲即角聲也四曰沙侯加儼華言應聲即變徵
聲也五曰沙臘華言應和聲即徵聲也六曰般瞻華言
五聲即羽聲也七曰俟利篴華言斛牛聲即變宮聲也
譯因習而彈之始得七聲之正然其就此七調又有五

旦之名旦作七調以華言譯之旦者則謂均也其聲亦應黃鍾太簇林鍾姑洗五均已外七律更無調聲譯遂因其所捻琵琶絃柱相飲為均推演其聲更立七均合成十二以應十二律律有七音音立一調故成七調十二律合八十四調旋轉相交盡皆和合仍以其聲考校太樂所奏林鍾之宮應用林鍾為宮乃用黃鍾為宮應用南呂為商乃用太簇為商應用應鍾為角乃取姑洗為角故林鍾一宮七聲三聲並戾其十一宮七十七音例皆乖越莫有通者又以編懸有八因作八音之樂七音之外更立一聲謂之應聲作書二十餘篇以明其指龜茲音丘茲賢曰今音丘勿翻茲音沮帷翻蓋急言耳

與邳公世子蘇夔議累黍

定律時人以音律久無通者非譯夔一朝可定帝素不悅學而牛弘不精音律何妥自恥宿儒反不逮譯等常

欲沮壞其事

沮在呂翻
壞音怪

乃立議非十二律旋相為宮及

七調

調徒鈞
翻下同

競為異議各立朋黨或欲令各造樂待成

擇其善者而從之妥恐樂成善惡易見

易弋
鼓翻

乃請帝張

樂試之先白帝云黃鍾象人君之德及奏黃鍾之調帝

曰滔滔和雅甚與我心會妥因奏止用黃鍾一宮不假

餘律帝悅從之時又有樂工萬寶常

萬姓也孟子
門人有萬章

妙達

鍾律譯等為黃鍾調成奏之帝召問寶常寶常曰此亡

國之音也帝不悅寶常請以水尺為律以調樂罷上從

之

以調如字

寶常造諸樂器其聲率下鄭譯調二律損益樂

器不可勝紀

勝音升

其聲雅淡不為時人所好

好呼到翻

太常

善聲者多排毀之蘇夔尤忌寶常夔父威方用事凡言

樂者皆附之而短寶常寶常樂竟為威所抑寢不行及

平陳獲宋齊舊樂器并江左樂工帝令廷奏之歎曰此

華夏正聲也乃調五音為五夏二舞登歌房內十四調

賓祭用之

五夏昭夏皇夏誠夏需夏肆夏二舞文武二舞登歌升堂上而歌匏竹在下賁人聲也帝

龍潛時倚琵琶作歌二首名曰地厚天高託言夫妻之義因即取之為房內曲十四調後周故事懸鍾磬法七

正七倍合為十四蓋準變宮變徵凡為七聲有正有倍為十四也夏戶雅翻

仍詔太常置清

商署以掌之時天下既壹異代器物皆集樂府牛弘奏

中國舊音多在江左

典午南渡未能備樂石氏之亡樂人頗有自鄴而南者苻堅淮肥之

敗晉始獲樂工備金石慕容垂破西燕盡獲苻氏舊樂子寶喪敗其鍾律令李佛等將太樂細伎奔慕容德姚泓收歸建康故云多在江左前克荊州得梁樂克

州見一百六十五卷梁元帝承聖三年

今平蔣州又得陳樂史傳相承傳

翻以為合古請加修緝以備雅樂其後魏之樂及後周

所用雜有邊裔之聲皆不可用請悉停之冬十二月詔

弘興許善心姚察及通直郎虞世基參定雅樂

按煬帝始置通

直郎從六品屬謁者臺虞世基傳云以通直郎直內史省其通直散騎侍郎歟品從五

世基荔之

子也

虞荔見一百六十八卷陳世祖天嘉二年荔力制翻

已已以黃州總管周

法尚為永州總管

隋志永安郡後齊置衡州開皇五年改曰黃州零陵郡平陳初置永州總

管府

安集嶺南給黃州兵三千五百人為帳內陳桂州刺

史錢季卿等皆詣法尚降

始安郡梁置桂州降戶江翻

定州刺史呂

子廊

鬱林郡梁置定州

據山洞不受命法尚擊斬之

以駕部

侍郎狄道辛公義為岷州刺史

隋志駕部侍郎屬兵部尚書狄道縣屬金城郡

臨洮郡溢樂縣
西魏置岷州

岷州俗畏疫一人病疫闔家避之病者

多死公義命皆與置已之廳事

興羊姑翻

暑月病人或至數

百聽廊皆滿

聽與廳同

公義設榻晝夜處其間

處昌呂翻

以秩祿

具醫藥身自省問

省悉景翻

病者既愈乃召其親戚諭之曰

死生有命豈能相染若相染者吾死久矣皆慙謝而去

其後人有病者爭就使君

使疏吏翻

其家親戚固留養之始

相慈愛風俗遂變後遷并州刺史下車先至獄中露坐

親自驗問十餘日間決遣咸盡方還聽事受領新訟事

皆立決若有未盡必須禁者公義即宿聽事終不還閤

還音如字
又從宣翻

或諫曰公事有程使君何自苦公義曰刺史

無德不能使民無訟豈可禁人在獄而安寢於家乎罪

人聞之咸自款服

款誠也款服
猶言誠服也

後有訟者鄉閭父老遽

曉之曰此小事何忍勤勞使君訟者多兩讓而止

使疏吏翻

十年春正月乙未以皇孫昭為河南王楷為華陽王

華戶

化翻昭廣之子也

二月上幸晉陽命高顗居守

顗居永
翻守手

又翻夏四月辛酉至自晉陽成安文子李德林

成安縣
名文謚

也子爵也成安縣屬魏郡

恃其才望論議好勝

好呼到翻

同列多疾之由

是以佐命元功十年不徙級德林數與蘇威異議高頗

常助威奏德林狼戾

數所免翻狼戶聖翻

上多從威議上賜德林

莊店使自擇之德林請逆人高阿那肱衛國縣市店

高阿

那肱與王謙舉兵誅衛國縣本漢觀縣屬東郡光武改曰衛國魏收地形志屬頓丘郡隋開皇六年改曰觀城

屬武陽郡

上許之及幸晉陽店人訴稱高氏強奪民田於內

造店賃之

賃乃禁翻

蘇威因奏德林誣罔妄奏自入司農卿

李圓通等復助之曰此店收利如食千戶請計日追贓

上自是益惡之

復扶又翻下同惡烏路翻

虞慶則等奉使關東巡省

還

使疏吏翻省惡景翻還從宣翻又如字

皆奏稱鄉正專理辭訟黨與愛

憎公行貨賄不便於民上令廢之德林曰茲事臣本以

為不可然置來始爾

置鄉正見上年

復即停廢政令不一朝成

暮毀深非帝王設法之義臣望陛下自今羣臣於律令

輒欲改張即以軍法從事不然者紛紜未已上遂發怒

大詔云爾欲以我為王莽邪

上以權數得國猜疑羣下以王莽篡漢變更法令而

亡疑德林以况已故怒詬苦候翻邪音耶

先是德林稱父為太尉諮議以取

贈官給事黃門侍郎猗氏陳茂等密奏德林父終於校

書妄稱諮議上甚銜之

德林之父蓋仕於魏齊之間後齊之制公府諮議參軍從第四

品校書郎第九品猗氏縣屬河東郡

至是上因數之

數所具翻又所主翻

曰公為內

史典朕機密比不可豫計議者

比毗至翻

以公不弘耳寧自

知乎又罔冒取店妄加父官朕實忿之而未能發今當

以一州相遣耳因出為湖州刺史

烏程縣舊置吳興郡隋置湖州宋白曰湖

州古防風氏之國漢烏程縣之地隋置湖州因太湖而名長安東南三千四百四十一里

德林拜謝

曰臣不敢復望內史令請但預散參

復扶又翻又音如字散參謂散官無

職務而預朝參者散悉置翻

上不許遷懷州刺史

河內郡舊置懷州

而卒

卒子

恤翻

李圓通本上微時家奴有器幹及為隋公以圓通及

陳茂為參佐由是信任之梁國之廢也

梁國廢見上卷陳長城公禎明

元

年上以梁太府卿柳莊為給事黃門侍郎莊有識度博

學善辭令明習典故雅達政事上及高潁皆重之與陳

茂同僚不能降意茂諧之於上上稍疎之出為饒州刺

史

隋志鄱陽郡梁置吳州陳廢隋平陳置饒州

上性猜忌不悅學既任智以

獲大位因以文法自矜明察臨下恒令左右覘視內外

有過失則加以重臯

恒戶登翻 覘丑廉翻 又丑艷翻

又患令史贓汙私

使人以錢帛遺之

遺于季翻

得犯立斬每於殿庭捶人一日

之中或至數四嘗怒問事揮楚不甚

問事者行杖之人也 楚荆也以之篋

人篋止榮翻

即命斬之尚書左僕射高頴治書侍御史柳或

等諫

治直之翻或於六翻

以為朝堂非殺人之所殿廷非決罰之

地上不納頴等乃盡詣朝堂請罪

朝直遥翻頴居永翻

上顧謂領

左右都督田元曰

後齊之制有領左右府將軍之下置正副都督隋蓋因之煬帝改領左右

府為備身府

吾杖重乎元曰重帝問其狀元舉手曰陛下杖

大如指捶人三十者比常杖數百故多死

捶止崇
翻下同

上不

懌乃令殿內去杖

去羌
呂翻

欲有決罰各付所由

所由猶言
所主也

後楚州行參軍李君才

隋志江都郡山陽縣舊置山陽
郡開皇十二年置楚州隋荊州

置刺史長史司馬
參軍事行參軍

上言上寵高頗過甚

上言之上
時掌翻

上大

怒命杖之而殿內無杖遂以馬鞭捶殺之

捶止
崇翻

自是殿

內復置杖未幾怒甚又於殿廷殺人

復扶又翻
幾居豈翻

兵部侍

郎馮基固諫

兵部尚書統兵部職方駕
部庫部四曹各置侍郎

上不從竟於殿

廷殺之上亦尋悔宣慰馮基而怒羣臣之不諫者五

月乙未詔曰魏末喪亂軍人權置坊府

元魏之季兵制有六坊後齊因

之亦曰六府

南征北伐居處無定

處昌呂翻

家無完堵地罕

喪息浪翻

包桑

包桑多根植桑至於根多民安其居之驗

朕甚愍之凡是軍人可悉屬

州縣墾田籍帳一與民同軍府統領宜依舊式罷山東

河南及北方緣邊之地新置軍府 六月辛酉制民年

五十免役收庸 秋七月癸卯以納言楊素為內史令

冬十一月辛丑上祀南郊

隋南郊為壇於國之南太陽門外道西一里去宮十

里壇高七尺廣四丈孟春上辛祠所感帝赤慄怒於其上以太祖武元皇帝配

江表自東晉

已來刑法疏緩世族陵駕寒門平陳之後牧民者盡更

變之

更工
衡翻

蘇威復作五教使民無長幼悉誦之士民嗟

怨民間復訛言隋欲徙之入關

復扶
又翻

遠近驚駭於是婺

州汪文進越州高智慧蘇州沈玄愬皆舉兵反

隋志東
陽郡平

陳置婺州會稽郡梁置東陽州陳改吳州平陳改吳
州後改越州吳郡陳置吳州平陳改蘇州愬烏外翻自

稱天子署置百官樂安蔡道人蔣山李陵饒州吳世華

温州沈孝徹泉州王國慶杭州楊寶英交州李春等皆

自稱大都督

致隋志無樂安下曰陳之故境則當於陳
境求之沈約志鄱陽太守有樂安縣吳立

新唐志台州有樂安縣唐初析臨海置以下文汪文進
令蔡道人守樂安觀之蓋台州之樂安蔣山在蔣州江
寧縣永嘉郡開皇九年置處州十二年改括州唐高宗
上元元年始析括州之永嘉安固置温州安陸郡京山
縣有温州非陳境當是永嘉之温州史追書耳建安郡
陳置閩州平陳改曰泉州餘杭郡平陳置杭州交趾郡
舊曰交州
懷力膺翻

攻陷州縣陳之故境大抵皆反大者有衆數

萬小者數千共相影響執縣令或抽其腸或齧其肉食

之曰更能使儂誦五教邪

邪音耶

詔以楊素為行軍總管

以討之素將濟江使始興麥鐵杖戴束藁夜浮渡江

隋志

南海郡始興縣南齊置東衡州平陳權
置廣州總管府姓范高要始興有麥姓
覘賊還而復往

為賊所擒

覘丑廉翻又丑艷翻復扶又翻還從宣翻

遣兵仗三十人防之鐵

杖取賊刀亂斬防者殺之皆盡割其鼻懷之以歸素大

奇之奏授儀同三司素帥舟師自揚子津入

楊子津在今真州楊

子縣南帥讀曰率

擊賊帥朱莫問於京口破之

京口今鎮江府帥所類翻下同

進擊晉陵賊帥顧世興無錫賊帥葉略皆平之

隋志晉陵無錫

二縣皆屬常州考異曰北史楊素傳作葉皓今從隋書

沈玄愴敗走素追擒之高

智慧據浙江東岸為營周亘百餘里船艦被江

艦戶黥翻被皮

義翻素擊之子摠管南陽來護兒

子摠管裨將也領兵屬摠管南陽郡舊置荊州

開皇初改為鄆州姓苑鄆子姓商之支孫食采於言於
鄆因以為氏後避難去邑漢功臣表有軼侯來倉

素曰吳人輕銳利在舟楫必死之賊難與爭鋒公宜嚴

陳以待之

陳讀曰陣

勿與接刃請假奇兵數千潛度江掩破

其壁使退無所歸進不得戰此韓信破趙之策也

韓信破趙

見十卷漢高帝三年

素從之護兒以輕舸數百

舸古我翻

直登江岸襲

破其營因縱火烟焰漲天賊顧火而懼素因縱兵奮擊

大破之賊遂潰智慧逃入海素躡之至海曲召行軍記

室封德彝計事

姓苑封姓夏時封父之後

德彝墜水人救獲免易衣

見素竟不自言素後知之問其故曰私事也所以不白素嗟異之德彛名倫以字行隆之之孫也

封隆之高齊佐命臣

汪

文進以蔡道人為司空守樂安素進討悉平之素遣摠

管史萬歲帥衆二千自婺州別道踰嶺越海攻破溪洞

不可勝數

帥讀曰率勝音升

前後七百餘戰轉鬪千餘里寂無

聲問者十旬遠近皆以萬歲為沒萬歲置書竹筒中浮

之於水汲者得之言於素素上其事

上時掌翻

上嗟歎賜萬

歲家錢十萬素又破沈孝徹於温州步道向天台指臨

海

按新唐志天台山在台州唐興縣唐興本晉始豐縣始豐本吳之始平縣唐志云武德四年析臨海置始

豐高宗上元二年更名唐興則吳之始豐隋已併入臨海天台山此時固屬臨海界逐捕遺逸前

後百餘戰高智慧走保閩越上以素久勞於外令馳傳

入朝

傳株戀翻下同朝直遥翻

素以餘賊未殄恐為後患復請行遂

乘傳至會稽

素既入朝復自長安乘傳至會稽復扶又翻傳株戀翻會工外翻

王國慶

自以海路艱阻非北人所習不設備素泛海奄至國慶

惶遽弃州走餘黨散入海島或守溪洞素分遣諸將水

陸追捕密令人說國慶使斬送智慧以自贖國慶乃執

送智慧斬於泉州餘黨悉降

將即亮翻說輸
芮翻降戶江翻

江南大定

素班師上遣左領軍將軍獨孤陀至浚儀迎勞比到京

師問者日至

陀徒何翻勞力
到翻比必寐翻

拜素子玄獎為儀同三司

賞賜甚厚陀信之子也

獨孤信皇后之
父後周功臣

楊素用兵多權

略馭衆嚴整每將臨敵輒求人過失而斬之多者百餘

人少不下十數流血盈前言笑自若及其對陳先令一

二百人赴敵陷陣則已

少詩沼翻陳讀
曰陣令力丁翻

如不能陷而還

者無問多少悉斬之又令二三百人復進

還從宣翻
復扶又翻還

如向法將士股慄有必死之心由是戰無不勝稱為名

將素時貴幸言無不從其從素行者微功必錄至佗將

將即亮翻雖有大功多為文吏所譴却故素雖殘忍士亦以

此願從焉以并州總管晉王廣為揚州總管鎮江都

復以秦王俊為并州總管復扶又翻番禺夷王仲宣反州廣

舊治番禺隋為南海縣又分置番禺縣時廣州治始興仲宣所圖者南海也番禺音潘愚嶺南首領

多應之引兵圍廣州韋洸中流矢卒洸古黃翻詔以其副慕

容三藏檢校廣州道行軍事又詔給事郎裴矩巡撫嶺

南

唐六典云隋開皇六年始置六品以下散官並以郎為正階尉為從階正六品上為朝議郎下為武騎尉

從六品上為通議郎下為屯騎尉正七品上為朝請郎下為驍騎尉從七品上為朝散郎下為游騎尉正八品上為給事郎下為飛騎尉從八品上為承奉郎下為旅騎尉正九品上為儒林郎下為雲騎尉從九品上為文林郎下為羽騎尉隋志煬帝減給事黃門侍郎員去給事之名移吏部給事郎名為門下之職位次黃門下此時裴矩蓋為吏部給事郎矩至南康得兵數千人仲宣遣別將周師

舉圍東衡州

東衡州亦治始興將即亮翻

矩與大將軍鹿愿擊斬之

鹿姓也風俗通後漢有巴郡太守鹿旗

進至南海高涼洗夫人遣其孫馮

暄將兵救廣州暄與賊將陳佛智素善逗留不進夫人

知之大怒遣使執暄繫州獄

洗悉典翻又先薦翻將即亮翻使疏吏翻

更遣

孫盎出討佛智斬之進會鹿愿於南海與慕容三藏合

擊仲宣

藏徂浪翻

仲宣衆潰廣州獲全洗氏親被甲乘介馬

張錦繖

繖線旦翻

引穀騎衛從裴矩巡撫二十餘州

穀古候翻騎奇

寄翻從才用翻

蒼梧首領陳坦等皆來謁見

隋志蒼梧郡梁置成州隋置封州

矩承制署為刺史縣令使還統其部落嶺表遂定矩復

命上謂高頻楊素曰韋洸將二萬兵不能早度嶺朕每

患其兵少

將即亮翻少詩沼翻

裴矩以三千敝卒徑至南海有臣

若此朕亦何憂以矩為民部侍郎

民部侍郎屬戶部尚書

拜馮盎

高州刺史

高京郡舊置高州

追贈馮寶廣州總管譙國公冊洗

氏為譙國夫人開譙國夫人幕府置長史以下官屬官

給印章聽發部落六州兵馬若有機急便宜行事仍勅

以夫人誠效之故特赦暄逗畱之罪拜羅州刺史

宋白曰羅

州本招義郡秦屬象郡二漢屬合浦郡元嘉三年檀道濟于綾羅江口築石城因置羅州

皇后賜夫

人首飾及宴服一襲夫人並盛於金篋

盛時征翻

并梁陳賜

物各藏一庫每歲時大會陳之於庭以示子孫曰我事

三代主惟用一忠順之心今賜物具存此其報也汝曹

皆念之盡赤心於天子

按隋志廣州治南海

仁壽元年置番州趙訥貪虐必非是年事史因書之

諸俚獠多亡叛

俚音里獠魯皓翻

夫

人遣長史張融上封事論安撫之宜并言訥罪不可以

招懷遠人上遣推訥得其賊賄竟致於法委夫人招慰

亡叛夫人親載詔書自稱使者歷十餘州宣述上意諭

諸俚獠所至皆降

使疏吏翻降戶江翻

上嘉之賜夫人臨振縣為

湯沐邑

臨振縣漢朱崖地隋煬帝置臨振郡今吉陽軍

贈馮僕崖州總管

隋志朱崖

郡梁置
崖州

平原公

平原郡公也

十一年春正月皇太子妃元氏薨

為帝與皇后怒太子而廢之張本

二月戊午吐谷渾遣使入貢吐谷渾可汗夸呂聞陳亡

大懼

吐從瞰入聲谷音浴使疏吏翻可從刊入聲汗音寒

遁逃保險不敢為寇夸

呂卒子世伏立使其兄子無素奉表稱藩并獻方物請

以女備後庭上謂無素曰若依來請佗國聞之必當相

傲何以拒之朕情存安養各令遂性豈可聚斂子女以

實後宮乎竟不許

平鄉令劉曠有異政

平鄉縣屬襄國郡

以

義理曉諭訟者皆引咎而去獄中草滿庭可張羅遷臨

潁令

臨潁縣屬潁川郡潁川郡時為許州

高潁薦曠清名善政為天下第

一上召見勉之

見賢通翻

謂侍臣曰若不殊獎何以為勸丙

子優詔擢為莒州刺史

隋志琅邪郡沂水縣舊置南青州後周改為莒州

辛

已晦日有食之

初帝徵時與滕穆王瓚不協帝為周

相以瓚為大宗伯瓚恐為家禍陰欲圖帝帝隱之

隋書瓚傳

瓚美姿儀好書愛士有令名於當世周宣帝崩帝入禁中將總朝政令世子勇召之欲有計議瓚素與帝不協聞召不從曰作隨國公恐不能保何乃更為族滅事耶帝相周瓚拜大宗伯瓚見羣情未一恐為家禍陰有圖

帝之計以是言之固周之忠臣也

瓚藏旱翻

瓚妃周高祖妹順陽公主也與

獨孤后素不平陰為呪詛

呪職救翻詛莊助翻

帝命出之瓚不可

秋八月瓚從帝幸栗園


栗園在長安南

暴薨時人疑其遇鴆乙

亥帝至自栗園

沛達公鄭譯卒

卒子恤翻



資治通鑑卷一百七十七